

2

DE COLLATIONE BONORVM INTER HÆ- REDES BICEPS DISCVSSIO.

STEPHANO FORCATVLO IVRISCON-
sulto Authore.

Cum indice legum in hoc commentario explicatarum.



PARISIIS,

Apud Guilielmum Chaudiere, via Iacobza, sub Temporis in-
signi, & Hominis Siluestris.

1578.

CVM PRIVILEGIO REGIS,

Extrait du Privilege du Roy.

PA R privilege du Roy est defendu à tous Libraires, Imprimeurs, & autres qu'il appartiendra, en quelque sorte & maniere que ce soit, d'imprimer, vendre ou distribuer aucunes œuvres de *M. Estienne Forcatel, Docteur, Regent en la faculté de droit Civil en l'Université de Tholozé*, sinon au Libraire, ou Imprimeur qu'il avertisera & choisira & aura charge & puissance: & ce iusques au temps & terme de six ans entiers, & consecutifs apres la premiere impression, qui sera faite de chacune desdictes œuvres, sur peine de confiscation des liures imprimez par autres, & d'amende arbitraire, ainsi qu'il est plus amplement contenu esdictes lettres de privilege, sur ce donnees à Paris le treiziesme iour de may, l'an de grace, mil cinq cens soixante & douze.

Par le Roy en son Conseil.

Signé MORIN.

Acheué d'imprimer pour la premiere impression
le 15. d'Octobre. 1578.



NOBILISSIMO ATQVE CLARISSIMO VIRO DOMINO BARNAB.

Brissono, Regiæ maiestatis Consiliario à secretis, & Aduocato Regio in suprema curia,
L. P. Forcatulus: S. D.

MIRANTVR plerique causamque petunt, qua ratione permotus ego, alienas vigilias vt pote paternas, mihi quasi ascripserim, nomenque inseruerim, & insolentius (vt aiunt) pro arbitrio consecrare non veritus fuerim. Quibus, si aliquem relinquant æquitati locum, neque inuidia eorum acumen corroserit, solo verbo potissimū satisfaciam. Etsi enim talis sit virtus, vt aliquo modo per se sustētari posse videatur, certum est eandem cuiusdam viri auctoritate firmatam, præstantiorem, & diuturniorem euadere, quæ antea per se satis infirma & imbecillis erat. Quam ob rem & illi ipsi Philosophi, qui consortio humano non utebantur, maiorum tamen vigilarū munera præstanti viro mittebant, rati Clarissimorum memoriam magis perēnem fore, quàm chartam quæ lapsu temporis tandem obliteratur. Quæ cū ita ducerem statim initio huius libri nomen (ne quid operis perfectioni deesset) tuū imposui, quod instar vasis Corinthij scrinium exornaret, easdēque veneres suppeditaret quas opifici atra mors adhi-

bere prohibuisset. Quam si in nos beneficentiam, & liberali-
 tatem conferas, tantis gratiis deuinctos habebis, ut nos redi-
 mere nunquam posse putemus, nisi pro alieno ere nos deuoua-
 mus. Deuouamus? immò tui permanebimus: clementiorem
 etenim magis ve frugi dominum inuenire non licet, nisi in in-
 feriora hæc cælites forsitan commigrarent: quippè qui tantis
 virtutibus cumulatus es, ut inte suum Iupiter præstitisse tyro-
 cinium videatur. Testis mihi sit illa eloquentia qua totum
 forum personat, si quid regia maiestati ob stare videtur: tum
 librorum familiaritas, quos contubernales semper habuisse
 vidère: adsit & illa beneuolentia qua dignissimum quemque
 soles prosequi. Sed stultus ego, qui cum nitar laudare cuius
 facta omnem præuertunt eloquentiam, tãcãque sunt ut mul-
 ta qui dixerit plura præteribit: Ergo ad finem, amplissime se-
 nator, properabo, si te vnum illud rogauero, ut in hunc librũ
 illos oculos attente coniicias, quorum coruscatione Parisien-
 sis Senatus perlucet, ut sic geminato fulgore tanta promicet
 claritas, quæ tenebras illis qui de nobis loquuntur offundere
 possit. Vale. Lute. Prid Id. Octobr. 1578.

AD EVNDEM CANDIDISSIMUM
 virum, Stephani Forcatuli Authoris,
 Epigramma.

Si quem iura beant doctum ciuilia, si quem
 Fouerit in dulci lata Camæna sinu,
 Is tu es liligeris Index in sedibus, & qui
 Alato Vates sydera carpit equo.
 Hinc, Brissonè, pudet versu laudare minuto,
 Teque velut solem velle iuuare face.
 Ne poma Alcinoò videar misisse, tacebo:
 Præco sibi Virtus nam satn esse solet.



1
OBSERVATA IN PRIOREM PAR-
TEM BICIPITIS DISCVSSIONIS DE
Collatione bonorum.

- 1 Quare Prator Collationem bonorum induxerit.
- 2 Non solum expugnato testamento per bonorum possessionem contra tabulas, sed etiam ab intestato aliter, Collationem esse.
- 3 Olim ex testamento nihil conferebatur: quid ex codicillorum vel dotis titulo. & 17.
- 4 Vbi cessat iniuria per fratrem illata ratio, Collatio obmutescit.
- 5 An emancipatus quidvis suum conferat, vel duntaxat quatenus suo obest fratri.
- 6 Collationis genuina definitio nouè traditur.
- 7 Quod bona sua quisque confert non autem patris defuncti: & quid de conditionalis debito.
- 8 Dotem cur filia conferat, & quot modis fiat Collatio simplex aut mista.
- 9 In bonis parentum vtriusque sexus Collationem recipi.
- 10 Inter ascendentes nequaquam conferri.
- 11 Ascendentes, qui iure nouo succedunt nepotibus, non veniunt equaliter.
- 12 An verum sit inter eos conferri, quibus bon. possessio conceditur indistinctè: & coarctari generalem locutionem ad propositum.
- 13 In successione fratris communis nihil conferri.
- 14 Non confert itaque filius agnati iure veniens, & quantum temporis tunc filio vel patri detur ad agnoscendam bon. possessionem.
- 15 Posthumus cur interim nemo conferre teneatur.
- 16 An liberis in primo gradu non existentibus Collatio congruat.
- 17 Quid sentiendum de hærede particulari vel legatario.
- 18 Ut conferatur, filius suus necessarius est saltem ex altera partium:

Et quid est quod Caesar ait dotem profectitiam vel aduentitiam à patre datam conferri, & dotem filia patri non acquiri.

19 *Inter emancipatos abest Collatio.*

20 *Quibus in casibus inter emancipatos conferatur.*

21 *Suus confert emancipato, prima facie, non laeso.*

22 *Num hodie sublata sit differentia emancipationis & patriæ potestatis.*

23 *Morte patris omnes liberi sunt sui iuris, & nihilominus conferunt.*

24 *Quare penitus extraneus hæres filio defuncti, quem tantopere offendit, non confert.*

PARS PRIOR TRACTATVS COLLATIONVM.



ERIT reprehenduntur Philosophi, qui non præstant id re ipsa, quod verbis efferrunt, & prædicant: quosque Epictetus redarguens scitè, dicebat sapientiæ studere ἀρετὴ τοῦ ἀπάρετου, μέγχι τοῦ λέγειν. id est, factis procul, verbis tenus: ut de illo Phavorinus retulit, nec Iuriconsultus obtulit in l. in honorib. §. pe. ff. de vocati. muner. ideoque dicturus de Collatione bonorum inter fratres facienda, ipsemet conferebam vltro quicquid habuero: id profectitium maximè existimās, & à Deo communi omnium authorum parète acceptum, ne maiores natu scriptores de me queri possint, quasi alienis inuentis manum iniecerò, nihil meo Marte contribuens.

1 Namque Collationis necessitas inducta fuit ob arcendam iniuriam, quam liberi emancipati aliis in potestate manentibus faciebant, dum beneficio prætoris admittebantur per bonorum possessionem cōtra tabulas: atque ita redigebāt patris à quo erant præteriti iudicium supremum ad causam intestati. l. 1. ff. de Coll. bonor. tunc enim grauiter lacescebant suos patris hæredes, qui nihil non ei acquisuerant. l. 1. ff. si à parent. quis manumiss. vnde eueniebat, ut particeps fieret emancipatus earum rerum, quas frater patri sua industria laboriose acquisiuit.

set, proinde nō sine rubore sua bona ipse iniucē conferre negaturus sit, nisi ostendat suum non affici iniuria. d. l. i. §. toties. ff. de Coll. bō. quippē cū eo crescat indignatio iniuriæ, quod sit, à coniunctiori persona, à qua beneficium aliquis expectare debuerat, potius quā ab extranea. l. i. §. omnia. ff. de pōn. & hāc rationē asserit Aristoteles libr. 7. Politicorum, quare fratrum odia & bella crudeliter exerceātur, præsertim cū de diuidenda patris substantia contenditur. §. & quod sæpe. de trient. & semis col. 3. aut cū suas fortunas ad fratres transferrivident. l. cum oportet. C. de bonis quæ liber.

2 Cesset itaque iniuriæ illatæ ratio. & confestim collatio ipsa cessabit, at si pertinax sit, tunc collatio cervicem altè eriget. quamvis emancipatus non infestet iudicium patris per bonorum possessionē, sed aliter ab intestato veniat ex capite vnde liberi. l. 4. & l. si emancipati. C. de Collatio.

3 Vnde olim veniens ad successionem ex iudicio testatoris non conferebat. l. i. C. eod. Nam inuidendum nō fuit emancipato instituto, cū vel quiuis extraneus institui potuerit, vt indicat Vlpianus in. d. l. i. §. toties. de Collationib. apertius imperator in. l. à patre. C. eod. nec obest, quod ibi & in l. filiam. 2. dicitur relictum in Codicillis cōferri, & ita iudicio testatoris, cum Codicilli testamento finitimi sint. l. 3. §. si quis Codicill. ff. ad Syllanian. nam Iason hoc obiiciens considerare potuit fidei commissum singulare ex Codicillis non conferri, quandiu filius venit quasi extraneus, id est, sine querela, sed relictum amplectitur. quando autem asserit se filium, & rebellat aduersus voluntatem patris, nec satis sibi esse putat relicto, tunc proculdubio cōfert ipsū. l. pen. famil. Hercisc. l. 3. ff. de Coll. dot. quare enim non conferetur saltem prisco iure relictū, cū imputaretur in legitimam auth. nouissima. C. de inofficio. test. Ergo patiens collationis. l. illam. C. de Collati. ita recipitur circa dotem, quam filia accepit à patre: non enim conferretur quandiu filia non vult patri succedere, cū etiam ab extraneo dotari potuisset, secus si velit fratri bus cohæres permisceri. l. si. ff. de Coll. dot.

4 Cæterum si ab intestato succedi iure antiquo, cessabit

nihilominus Collatio, si absit iniuriæ per emancipatum inferendæ causa. l. pe. §. de bon. poss. contr. tabul. l. 3. §. pater. de Collat. bon. ff. vt si pater filium in potestate ex triente instituit, extraneum verò ex bese, emancipato præterito bonorum poss. contra tabulas petente: vnde ex huius persona filius suus testatoris fratris iure nititur, & alterum trientem ab intestato accipit. l. si post. §. si. ff. de bon. poss. contr. tabul. proinde emancipatus tam prosper fratri nihil eidem conferet.

§ Vnde sequitur iusta proportionem Collationem fieri ab emancipato, quatenus duntaxat fratri est iniurius non vltra, vt ecce, pater suum filium ex tribus partibus hæreditatis fecit hæredem, extraneum ex residua quarta. quare emancipatus præteritus à suo filio solum quadrantem auferet, & alterum ab extero. sic itaque bonorum propriorum solum quadrantem contribuet. l. 1. §. si ex dodrante. ff. de Collati. vel certe conferet dimidiam bonorum suorum portionem fratri. quia quadrans habitus respectu bonorum omnium defuncti patris, est dimidia eius partis, quam filius vteruis accipit, vt Bartolus rectè metitus est. argumento est: quòd emancipatus cum suo succedens ab intestato omnia sua bona confundet: quia dimidia quam illi auferet, totum est sibi debita portionis. Sanè vbi cum filio in potestate non aliquis extraneus merè sed alius emancipatus institutus fuit, tunc emancipatus præteritus suo æqualiter conferet plusquàm auferat. l. 2. §. si tres de Collat. bonor.

6 Collatio, inquit Bartolus in l. pater. ff. de Coll. dot. vbi visus est se ipso diligētior, est bonorum suorum communicatio: ad hoc iuuari se putat ab Accursio in rubrica. ff. de Collat. vbi quidem non fuit mens Accursij talis, vt definitionem traderet: eum genus tantum ponat non differētiās. nec si quis addiderit esse communicationem bonorum suorum inter hæredes, vt aliqui fecere. quia videbant perspicuè inter socios esse locum cōmunicationi bon. & Collationi, vt vidiſſe opinor l. 1. ff. pro soci. l. 1. C. eod. nec tamē ea res ad nos quicquā pertinet: nō magis quàm ea quæ fit inter coniuges. l. 1. ff. de rit. nup. aut inter vicinos conferentes ad communis parietis refectiōem, velint, nolint. l. 1. C. de ædific. priuat. sed præterea inter hæredes fit cō-

municatio in hæreditate nondum diuisa commodorum & in-
commodorū. l. item ex ff. famil. Hercif. fit quoque Collatio in-
ter eosdem succedentes mulieri, vt funus fiat impensis cōmu-
nibus. l. in eum l. veluti. ff. de religiof. & in summam in cōmu-
ne illatio rerum inter fratres erit sine Collatione successoria.
l. si fratres. §. idem Papinianus. ff. pro soci. verū huiusmodi
Collatiocohæredum nihil attingit eam, quam sic definiendam
suspicio, vt sit contributio bonorum suorum, quæ sit per libe-
ros liberis æquè parenti successuris. vbi particula, æquè, notif-
sima & vsurpata passim à Iurisconsultis, vt prorsus olim simu-
lata Cupressis pictoribus, tam similiter quàm æqualiter signi-
ficat. l. 1. §. si. ff. de effra&torib. l. is qui. §. si hæres. ff. vt in poss. le-
gator. & deinde ad solos successuros fratres refertur hæc com-
municatio non ad aliam quamlibet. d. §. idem Papinian. Quòd
sit cōtributio ipsa Collatio generaliter patet in. l. 2. §. si res quæ.
l. 3. ff. ad legem rhod. atque vt hæc ipsa Collatio potest confu-
sio dici. l. si soror. C. de Collat. sic & alia contributio hæredum.
l. 1. §. si cohæredis. ff. ad leg. falci. atqui ibi contribuunt hæredes
portiones hæreditarias damno suo, & fauore legatariorum, ne
sit locus quartæ falcidix. cū in nostra Collatione sua bona
quisque contribuat, vt ad succedendum fiat idoneus vnà cū a-
liis liberis: sicut definito declarat bonorum suorum mentione
facta.

7 Nam veteres obseruarunt bona defuncti vel peculium
profectitium liberis concessum à patre magis diuidi iudicio fa-
milix Herciscūdæ inter ipsos quàm conferri. l. filix. 2. de Col-
lat. C. l. certū. C. famil. Hercisc. præterea quoniam bona sua cu-
iusque ad præsens tempus referuntur non ad futurum. l. si ita.
ff. de auro & arg. leg. iam. alia bona filius nō conferet, quàm ea
quæ tempore mortis paternæ habuit, postea verò quæ sita sibi
præcipua habebit. l. ea demum. C. de Collat. l. 2. §. id quoque. ff.
cod. vbi si filiofam. debitum sit, verbi gratia, ex stipulatu sub
conditione, quæ à morte patris contigerit, id confertur, quia re-
troagitur conditio ad tempus stipulationis non in testamento.
l. quæ legata. cum. l. seq. ff. de regul. iur. & sic intelligitur. l. pe. ff.
de Collati. vbi si filiofamilias legatum esset reddendum sub

conditione, quæ mortuo patre contigit, vel sub ea, si morte patris sui iuris factus esset, id ipsum sibi filius acquirit, nec conferet. quamvis viuo patre præmaturè solutum ipsi fuisset liberalitate debitoris, donatoris effigiem aliquam referentis, quia plus soluit tempore. §. plus autem. de actionib. sed nec pater dona. se quicquam filio creditur, cum finit eum frui pendente conditione rebus ab extero promissis: ne inuidi magis quam patris fungatur officio. nam & si indebitum sit reuocabile, quando pendente conditione soluitur, hoc verum cum ab errante soluitur, vel ab eo qui vult repetere. secus si soluerit præproperè sciens vel errans, mox noluit repetere. l. sub conditione. ff. de condict. indeb. & sic intelligitur illud quod habetur in. d. l. p. filium non conferre quod sibi solutum est festinanter: quia nō tam ex donatione quàm ex debiti causa id possideat, non enim de donato ex conuentione patris ibi tractatur, quia in hoc condicio semper retrahitur, sed de legato sub conditione, soluto tamen citeriore tempore debitoris & patris tolerantia: non sine specie liberalitatis quandoque. l. Aristo. ff. de donati. Scio Bartolum trāstulisse. d. l. p. ad conditionem ex contractu, quæ solummodo post patris mortem possit existere: sed hoc diuinare est: quare ad vtramuis ego transferre malui.

8 Quod dixi bona sua succedere volentis conferri, quæ modo tempore mortis paternæ habuerit, facit vt filia dotem profectitiam conferat: quia est extra bona patris. l. pater filiam. ff. ad leg. falcid. nec sic se habet vt peculium ad nutum patris reuocabile. l. xl. ff. de pecul. at verò dos propter onera matrimonii filix prærogatur & eidem cohæret. l. dotem. ff. de castrens. pecul. attamen Iurisconsultus in. l. i. de Collat. dot. apertè dicit curz esse arbitro familiæ Herciscundæ, vt dos conferatur, aduersus doctores quia licet dos alienata à patre videatur. §. quia verò. de xqualit. dot. col. 7. tamen ad patrem faciliè redit. adeo vt dos minuatur simul cum fortunis eius, vt ibidem habetur. l. pater. de euictionib. planè variè conferri solet: interdum re ipsa illata in paternas fortunas: aut tanto minus accipiendi vt in. l. dotis. C. de Collation. aut aliter liberando cohæredem pro parte dotis à patre promissæ nec præstitæ, vt in. l. i. §. filiam. ff. de Col.

dot. vbi Bartolus addit Collationem inanis actionis, quam habet filia culpa expers contra maritum inopem auth. quod locum. C. eod. & si ad manum bona sua nō habeat is qui conferre vult, cautione interim implet vicem Collationis. l. 1. §. iubet. ff. de Collat. maximè si quādam occultata fuisse suspicemur, vt ibidem subdit iuriscōsultus. adeo est hic quintus modus conferendi perutilis potest addi mistus quidam, consistens partim in diuisione rerum partim in cautione residui. l. 1. §. quamuis. ff. eod. l. fi. §. mista. ff. de muneribus, vbi mistum sibi facit speciem separatam.

9 Nunc redeo ad definitionis reliquam partem: ne, sicut Appelles ille pictor illustris Venerē dimidiam tantum videar ostendisse. ac persequor qualiter fiat Collatio per liberos liberis æquē parēti succēsuris, postquam æqualitatis cuiusdam respectu eam introductam patefeci in bonis parentis, cuius appellatio auos cōplectitur ac superiores deinceps vtriūsq; sexus, sicut liberorum vox inferiores complectitur. l. appellatione. l. liberorum. ff. de verbor. significat. nec innotum est Collationē vigere, cūm auis proauisq; succeditur maternis quoque. l. vt liberis. C. de Collat.

10 Quamobrē cūm Collatio angustos habeat limites solosq; inter liberos. si verax est definitio, locum habeat, constat ad ascendentes produci non posse: cūm hac in re pudori, sit legis verba egredi. l. illam. C. de Collati. Et ne quis putet verba legis ratione destituta esse, vidēdum est quorsum Collatio introducta fuerit ex. l. 1. ff. eod. nempē ne filius in potestate queratur merito, si emancipatus lotis, vt vulgō aiunt, manibus redeat ad bona paterna, plerumque filiorum domi manentium labore quæsitā, & nihil ipse mutuo contribuat. deinde æqualitatē inter pares personas eandē ratio expostulat. d. l. vt liberis. C. eod. atqui si respicias patrem & matrem succēsurus filio, iam antiquo iure mater non petet collationem à marito, cui postponitur. §. præferuntur. de senatusc. Tertill. sic nec auus maternus à paterno simili æquitate. Si autem cōsideremus ius nouum iam pater est potior in profectitiis matre: & ea solus vtolim sibi habet propter potestatem patriam. In aduētitiis quoque præpol-

let matri, cū eorum vsum fructum obtineat quoad viuit pater
 l. cum oportet. C. de bonis quę liber. at castrenſibus fruitur ſuo
 iure ſuccedēs ab inteſtato nomine pecullii. l. 2. ff. de caſtren. pec-
 cul. l. 1. §. ſi is qui. ff. de Coll. Quod ſi animaduuerteris ius noui-
 tium auth. defuncto. C. ad Tertilli. quo filio communi mater
 cum patre ſuccedit, non admodum profeceris, cū & ibidem
 fratres defuncti ſuccedant cum parentibus, & tamen inter fra-
 tres ſuccedentes fratri Collatio deliteſcit, nec vſquam recipi-
 tur. Nec pater de matre conqueri poteſt, quod acquiſerit filio
 cui ſucceditur communiter. plus quā mater graues decem
 menſium labores, & partus ac nutritionis moleſtiam facilē
 regerens, non ſine lachrymis quas mulieres in numero ha-
 bent, ideoque neuter parentum alterum afficit iniuria in hac
 præpoſtera ſucceſſione, in qua de liberorum bonis diſceptant
 ſimul contra naturę ordinem, & proprium votum. l. Iulianus.
 ff. ſi quis omiſſ. l. ſcripto. ff. vnde liber. nec æqualitas igitur talis
 curatur, qualis inter liberos ſucceſſuros naturę ordine ſeruato
 & ex deſiderio parentum. l. nihil de bonis libert. ff.

11 Accedit quod ſolus auus paternus tantum accipiet ex bo-
 nis nepotis defuncti ab inteſtato quātum prorsus auus mater-
 nus & auia, adeo iure nouo diſparitas in numero aſcendentiū
 curā non eſt §. ſi igitur. i. de hæredib. ab inteſtat. col. 9. & d.
 auth. defuncto. & ē diuerſo maternus auus ſolus ſuperſtes auū
 paternum auiamq; exæquaret.

12 Sed dicent nonnulli obſiſſe, quod habetur in lege pri. §.
 pri. ff. de Collatione. vbi Collationi locus eſt inter eos qui-
 bus bonorum poſſeſſio data eſt. atqui parenti datur bonorum
 poſſ. contra tabulas præterito. l. 1. ff. ſi à parent. quis fuer. manu-
 miſſ. vel ab inteſtato bonorum poſſ. Vnde parētes. l. ſcripto. in
 fin. ff. vnde liber. l. 1. §. largius. de ſucceſſ. edic. etiam cum acceſ-
 ſione anni liberis ad agnoſcendum bonorum poſſeſſionem cō-
 ceſſi l. 4. §. filius. ff. quis ord. in bono. poſſ. Verū non oportet
 captare Iuriſconſulti mentem ac verba tam perſpicua, vt potē
 qui inter eos admittit Collationem, de quibus ſtatim dixerat,
 ideſt, inter emancipatos & ſuos libe. alioquin ſequeretur emā-
 cipatos emātipatis conferre, ſi præteriti duo fuerint, inſtituto
 ſuo

suo hærede filio. quod nemo dixerit, quamuis vtrique emancipato bonor. possessio contra tabul. pariter concedatur. l. 2. §. si tres. de Coll. bonor. atque ita sermo generaliter prolatus distinctionem recipit. l. pe. ff. de confess. & ex præcedentibus explanationem capit. l. hæredes. §. sed & si. ff. de testam.

13 Proinde constat inter solos decedentes vigere Collationem, quibus parentum hæreditas verè debita est, non his viuētibz sed à tempore mortis saltem, quatenus portio legitima protenditur. l. 1. §. largius. de success. edict. viuo namque parente vix est vt fili⁹ sit creditor: cum cuius creditori postponatur, qui vel momento cum patre contraxerit. l. Papinianus. §. quarta. ff. de inoffic. testam. l. 1. §. si impuberi. de Coll. bonor. & qui fratri frater nihil necessariò relinquere tenetur, ni aspersam macula infamiz personam instituerit. l. fratres. C. de inoffic. testam. & sic in odium potius infamis quàm in fauorem fratris hoc inductum fuit. l. 1. ff. eod. vbi querela fratris sic accipienda est, licet ibi lex indistinctè loquatur. sed iam pauloantè admonui in. d. §. inter. l. 1. de Coll. bonor. generalem sermonem alibi distingui vel coarctari. non ergo frater fratrem afficit iniuria, si plus capiat ex defuncti fratris successione lucri loco pōnenda. nec æqualitas vlla desideratur inter eos quorum alter totum capere impunè posset ex testamento exemplo extranei vel prorsus nihil, si ita defunctus cōstituisset. neque aliud quicquam commodius est ad mutuum amorem firmandum inter fratres, quàm quod intelligūt exclusum se iri à successione, nisi se pios & officiosos præstiterint. l. nec adiecit. ff. pro soci.

14 Quæstionis est an filius repudians bonorum possessionem vnde liberi, mox veniēs per vnde agnati, conferat collationēque inuicem petat. postquam liberorum iure venire desit. l. 1. §. quibus. ff. de success. edic. l. 2. ff. vnde legit. non enim hoc definitur in. l. vt liberi. C. de Collati. vbi liberi quocunque iure intestatz successionis veniāt, Collationi parent: quia mox subditur hoc euenire si ascendentibus succedant. non puto idē dicendum si degenerent: imputetur enim ei qui alienam personā simulat. l. item apud. §. si quis virgines. ff. de iureiur. præterea lex verbis imponeretur dantaxat non effectū, si post repu-

diationē ex primo capite vnde liberi adhuc liberorum effectū
 retineret bonorum possessio. & puto annum ei dari ex secūdo
 capite filio non tantum dies centum .nam in .d. §. largius. l. 1. de
 successor. edict. de liberis tractatur annum habētibus, quandiu
 suo iure vtuntur, vel si effluere illum socorditer suerint. idem
 exprimitur in. l. 4. §. filius. ff. quis ordo in bonorū poss. seruet.
 vbi idem est in patre manumisso petente bonorū possessionē
 contra tabulas ergo temporis habet spacium laxius & filio di-
 gnum, rursus post primum annū, sed non Collationi. ius: quod
 non est mirum, cū nec parens conferat licet, eodē spacio per-
 fruatur . Itaque miror quod quidam primarius interpres in
 contrarium torqueat. l. 2. vnde legit ff. vbi post annum liberi
 veniunt quasi legitimi: ergo, inquit ille, non proprie, nec videt
 particulam, quasi, ibidem esse proprietatis Germanæ notam in
 verbo quasi liberi, & l. tam ex. de iudic. ff. addatur illud Io. vi-
 dimus gloriam eius quasi vnigeniti à patre. l. 6. de senatorib. ff.
 nec iuuatur ex. l. de bonis. §. 1. ff. de carbon. edict. vbi negatiue
 vulgò legitur, nō esse videlicet suos liberos, qui ex prima parte
 edicti vnde liberi nō veniunt. sed age, fac legi affirmatiue suos
 esse, tamen sinitas laret in eo qui ea vti noluit. l. suum. C. de iure
 deliber. sicut videre licet in marito accusatore mulieris adul-
 teræ: nam intra sexaginta dies admittitur ex suspicione accu-
 sans, vt maritus nimirum, nec victus de calumnia tenetur: secus
 si post id temporis vt extraneus accuset, cautius probare debet
 vtique. l. quamuis. 1. C. ad leg. Iul. de adult. le. iur. cod. Nec o-
 best quòd in bonis maternis liberi conferunt. l. vt liberis. C. de
 Collat. & tamen certum est in huiusmodi successione non esse
 locum capiti vnde liberi sed vnde legitimi. l. 2. §. si. ff. vnde le-
 git. planè ibi lex ait filios in maternam successionem venientes
 ex Orficiano senatusconsulto petere posse bonorum possessionem
 vnde legitimi: non tamen consulit vt petant, si velint vr-
 gere fratres ad conferendum. itaque remedium illud datur ex
 abundanti vt. l. 1. §. dixerit. ff. de publican. Vel dicere quoque
 possumus ibi caput Vnde legitimi (cū competat ex eo quod
 in muliebri successione aliquod prius non extet, non verò ex
 negligentia ylla liberorum primi gradus) semper redolere na-

turam primariam liberis solis consentaneam. l. fi. C. de suis heredib. In summam sic in proposito distinguendum putarē, cum dubitatur an liberi desides ac securi non petentes bonorū poss. Vnde liberi Collationem recipiant, si ex capite vnde agnati uenerint post annum, vel illico ex repudiatione: vt si ipsi petant sibi à fratre locuplete conferri, reiiciantur: quia culpa sua exclusi sunt à beneficio neglecti capitis, vt iam ostendi. Si verò aduersus eos hoc modo segnes aut repudiantes primum caput Collatio petatur frugifera aduersario fratri, tunc conferre tenebuntur sine dubio, alioquin semper Collationem eluderent sui. d. l. suum. C. de iure deliber. præterea commodum referrent ex negligentia petendæ bonorum possessionis, quod admitti non debet. l. 1. de successor. edict. l. 1. ff. si quis omiff. caus. testa.

15. Secūdo vt Collatio valeat inter liberos, oportet esse natos: ideoq; non confertur ei qui est in vtero antequam nascatur: quia non potest dici in potestate esse: interim. l. fi. ff. de Collati. nec obest quod dicitur haberi pro natis eos qui sunt in vtero in sibi vtilibus. l. qui in vtero. ff. de stat. homi. vnde ipsis sit pupillaris ratione patriæ potestatis. l. 2. ff. de vulgar. substit. Quia fateor tunc demū cum nati fuerint retroagi fictionē, quasi antea in potestate fuerint: & antea quæ ipsis profutura videntur sic tractanda ac si pro certo nascentur, cum præuidere cōueniat quæ euenire possunt verisimiliter. l. si quis domum. §. pe. ff. locat. & cum studendum sit vt in lucem puer prodeat potius quā vt iam natus alatur. l. 1. §. & generaliter. ff. de vēr. in poss. mittend. igitur sit vt bene ominemur. de existēte in vtero perinde ac si iam esset in potestate, cum pater moritur. l. fi. ff. de assign. libert. sed in tractatu Collationum nō egemus hac benigna interpretatione: quoniam circa eam multæ contributiones vtrinque intercedunt variaque subductio calculi, siue re ipsa fiat Collatio, siue minus accipiendo vt. d. l. 1. §. filiam. de Collatio. dot. quare satius est differre turbulentum remedium in natiuitatem posthumi, ne frustra interuenisse dicatur. l. hæc stipulatio §. fi. ff. vt legator. seu fidei commiss. nomine caueat. præsertim cum paucorū mensium Mora nō officiat. l. si debitori. ff. de iu-

dici. planè nisi à patre fieret pupillaris posthumo nascituro, se-
ra esset postea patre iam mortuo, qui solus eam facit, aut auus
paternus pueri nascituri & in patris potestatem non recasuri.
d. l. 2. ff. de vulga. nec quicquam deperit, si non nato pupillaris
substitutio intercedat præter scripturam testamenti. idem in da-
tione tutoris. l. si ita. §. si. de testam. tutel. cui mirificè fauetur i-
bidem licet si filius non nascatur, nunquam censeatur interue-
nisse. l. verum. ff. de reb. dubi.

16 Tercio vult Baldus nulli liberorum congruere Collatio-
nem, nisi qui in primo sint gradu, aut qui nepotes exempro fi-
lio primum gradum subierint. quocirca qui filium in vncia in-
stituit, & nepotes ex eo in xi. vnciis, Collationem impedit. nã
nepotes eodem iure vocauit quo extraneos, in quorum perso-
na Collatio cessat. Nisi quisquã putet nepotes liberos esse pro-
culdubio ideo sine delectu Collation. capaces. d. l. vt liberis, de
Collati. & naturæ ratio inumbrari nequit quin in dubio insti-
tuti intelligantur ab auo amore paterno. l. dotē. §. si. de castrens.
pecul. l. liberorum. §. si. ff. de verbor. signif. Quinetiam ideo ne-
potes instituit auus, quia sciebat fore vt patri in vnciola institu-
to ipsi quamplurimum conferrent, in potestate aut vtique exi-
stentes cùm is moritur & valdè ab extraneis discrepantes. l. li-
berum. ff. de adopt. sed cùm pax publica Gallorum vixdum be-
ne compacta sit, noua bella suscipere in animo meo non est: &
dissimulo libenter quæ Baldus asseruit, pugnax vir & ingenuis
viribus spectatus.

17 Quarto non subesset Collationi filius, quem certis vnciis
pater contētum esse iussisset, vel quem hæredem in certa re in-
stituiisset legatario persimilem si modo habeat cohæredem po-
tiores. l. quoties. C. de hæredib. instit. atque ita damni & com-
modi hæreditarij expertem. §. si quis vna de fideicommiss. hæ-
reditatib. Item si re vera filius singulare legatum vel fideicom-
missum à patre accepit, tanquam extraneus equidem extrinsecus,
& nolens amplius succedere velut hæres, sed Codicillari
relictō contentus, sicuti superius retuli. l. filiam. 2. C. de Collat.
18 Quinto non aliàs habet inter liberos Collatio quàm si vel
ex vtraque parte sui fuerint, vel ex alterutra: cōferet enim suo

emancipatus si modo eodem iure succedatur non in. l. filium. §. videamus de bon. poss. cōtra. ra. vbi diuerso iure nitebātur filij duo, quorū alter exheres fuit in potestate manens, alter præteritus emancipatus, vnde hærede extraneo non adeunte, ille ab intestato, hic per cōtra tabulas sibi viā aperuit. Subiūgitur itidē alia species de qua dixi, cū emancipati occasione suus lucrum fecit verius. Sanē populariter hoc tātis per assero: nam opportunius ostendā nullā vim in diuersitate iurium cōstitui. imò potius in ratione cessantis iniuriæ, quæ velut Magnes ferrum trahit onctosæ Coll. Cæterū inter emancipatos deficit Coll. l. si emancipati. C. eod. vbi Accursius contēdit suum suo conferre. l. 4. eod. quo loci filia in potestate patris manēs confert fratribus sibi similibus dotē profectitiā & illo prisco iure aduentitiam, sed emancipatis profectitiā tantummodo. nec dubium est, inquit, profectitiā seu aduentitiam dotem à patre datam vel constitutā fratribus, qui in potestate fuerunt conferendam esse: vbi rixantur omnes interpretes causa dotis aduentitiæ à patre profectæ, quod fieri nequit. l. profectitia. ff. de iure dot. vnde Iason refert illā ad dotem, quā pater filię dedit ob bene merita fortē tanquam mercedem laboris eximij. l. si pater. §. si. de donati. Ego existimo Imperatorem aptè loquutum, & singula singulis metitum: cū datam dotem ad priorem profectitiam retulerit: mox constitutam optima serie ad posteriorem aduentitiam. non dissimile est illud: Pastor, arator, eques, pavi, colui, superavi. Et illud in. l. 1. §. 1. ff. quādo de pecul. acti. si filius & seruus emancipatus manumissusq; sit. sic in. l. si. §. sancimus. C. de liber. præter. filia instar filij emancipati vel sui testamentum ipso iure euertit præterita, vel per contra tabulas. nā emancipato hoc posterius tantum competit, sicut suo filio conuenit. ius dicendi nullum ipso iure. similis phrasis. §. si. qui testam. tutor. dor. Vel fortē Imperator docere voluit, conuiuentibus oculis filium filiam ve aduentitium lucrum antiquitus habuisse, patre non admodum sollicito quorsum idverteretur: & filiam textricem, verbi gratia, ex quaestu honesto dotem sibi dixisse: quod ei non magis inuidendum fuit, quā seruo in. l. 4. ff. de manu. miss. attamen circa Collationem hoc genus aduentitij lucelli

fratribus domesticis contribui quia filia nihil non patri acquireret. l. i. ff. si à parent. quis manumiss. fuer. ne suus filius filiave dotem vel quippiam aliud seorsum habens à patris rationibus separatum suos fratres, qui domi egerunt & patri acquisierunt afficiat iniuria. Sed hic sensus minùs congruit. d. l. filiaz. r. C. de Collat. ybi tandem subditur, iis liberis qui in defuncti familia non manserunt propter emancipationem, profectitiam dotem non aduentitiam conferri. Ergo verè fuit aduentitia ab alio quàm à patre vel patris contemplatione manàs, nec patri quaesita per filiam ab extero dotatam. idque in dote putat singulare Accursius in l. 2. §. quod si in patris. ff. solut. matrim. ne à filia patri suo acquiratur. eo quod dotans liberis ex eo matrimonio nascituris satis studere intelligatur vt & lex publica. l. i. ff. eod. sic enim ego coniicio, imò & sponso studetur, cum quo præsумitur æterna coniunctio. l. i. ff. de iure dot. & quodammodo mortis & diremptionis expers: sed hodie sine dubio nihil aduentitium erit conferendum. l. si. C. de Collat. vt commodè tractabimus.

19 Ex supradictis patet emācipatum emancipato minimè cōferre, quia neuter alteri facit iniuriam: aut si vterque alteri faciat, iam compensationi locus datur. l. viro. ff. solut. matr. nec exprobrat merito durus homo quicquam duro. l. 2. §. idem ait. ff. ne quid in loc. public. ceterùm cū inuitus nullus filius emancipetur. §. generaliter. quib. mod. natural. efficit. sui col. 7. in emancipatione hoc agitur, vt sibi acquirat iure extranei nec de fratre emancipato querelam moueat, quod fortè tardiùs hic emancipatus fuerit, & ideò minus patri acquisuerit. nam inspicitur tantùm an tempore quo pater moritur sit extra familiā filius. nec curatur an multo antè in potestate extiterit. l. cohæredi. §. cum filio. ff. de vulgar. substit.

20 Excipiemus hodie p. l. vt liberis. C. de Collat. profectitia donationis ante nuptias dotis, & similium: secundò excipitur species. l. i. §. pe. de coniungend. cum emancip. liber. vbi emancipatus superstes fuit patri suo cū duobus nepotibus ex fratre in potestate, quorum alter emancipatus itidem fuit & tamē filius defuncti ipsi quoque cōfert. eo quòd, vt aiūt, tam hic ne-

pos sui iuris quàm alter in potestate vnius loco habentur. alioquin certè emancipato suis misto liberis, alter emancipatus filius non confert. l. 1. §. si. de Collati. bonor. & ita nepos emancipatus ex sui fratris in potestate constituti persona fruitur beneficio, quod ex sua non consequeretur, ut. l. si post. §. si. de bon. poss. contr. tabul. l. si communem. ff. quemadm. seruit. amit. iuuat quoque radix vtriusque nepotis à patre editi, qui in potestate fuit, & præluet vt verque vnus videatur. l. si nepotes. ff. de Collat. sicut aliàs obseruatur. l. Magistratus. ff. ad municipa. 21 Obiicitur suus conferens emancipato filio profectitia. l. 4. C. de Collati. igitur emancipatus emancipato multo magis: nō enim suus domi operam nauans quæstui patris communis cōpendio, emancipatum afficit iniuria, de qua in. l. 1. ff. eod. Respondeo suum non esse emancipato iniurium antequam petat Collationem à fratre, sed postquam petiit, tunc incipit grauiter lacessere, nisi vicissim officiis respōdeat vt. l. 2. §. & generaliter. ff. de doli excepti. eo magis quod olim per. d. l. 4. C. de Collati. suus emancipato sola profectitia contribuebat: hic autem suo prorsus omnia. Præterea suus sibi ipsi repugnaret, nisi conferret emancipato, & frustra peteret. l. vbi repug. ff. de regul. iur. nam idcirco efflagitat Collation. ab eo, quod præfatur se quoque contulisse, aut collaturum illico esse.


22 Sed videtur sublata hōdie differentia hæc emancipationis & fuitatis. §. nullam de hæredib. ab intest. col. 9. verū inquit Accurs. hoc obrinet quoad succedēdum non quoad conferēdum. nam & ex testamento manet differentia, ne pupillaris substitutio fiat emancipato & in aliis permultis potissimum ne emancipatus acquirat patri, vt suus. l. 2. C. de inoffic. donati. & idē Collatio viribus suis nigitur: quia cū vtriuslibet discrimen maneat in acquirendo, æquum est emancipatum conferre suo, qui patri acquisiuit & per patrem omnibus fratribus. nec quod generaliter negatur à lege ampliùs extenditur quàm tractatus de quo disceptatur exigit. l. naturaliter. §. nihil. ff. de acq. possess. §. 1. de public. iudic. & nulla solemnitas desideratur in Codicillis; idest, nisi parua. §. si. de Codicil. l. arboribus §. de illo. ff. de vsufr. vbi infantis nullæ sunt operæ: sed tamen distin-

guitur cuius ætatis sit. nam septennis custodiet domum minuta opera. & cum lex ab intestato succedentibus eundem honorẽ tribuit, non continuò idem per omnia dat emolumentum. §. item vetustas. de hæreditatib. quæ ab intest.

23 Adhuc insurgetur, vt confundatur patria potestas cum emancipatione, eo quod Collationi ante patris mortem locus non est. l. r. §. si impuberi. ff. de Collat. atqui morte patris communiter omnes liberi sui iuris sũt irreuocabiliter, nec metuitur ne pater redeat post liminio: cùm tamen filius emancipatus ex consensu in patris potestatem redire queat. l. qui liberatus. ff. de adoptionib. Dico patriam potestatem nõ referri ad tempus sequens mortem vt secernatur ab emancipatione, sed ad id quod præcessit, vel quod eo momẽto fuit dum pater esset animam. sicut in substitutione pupillari quæ omni hora filium in sacris patris desiderat. d. l. cohæredi. §. cùm filio: de vulgar. Et pupill. tamen à morte patris eandem potestatem adeo detestatur, vt in nullius alterius potestatem pupillum recidere oporteat. l. 2. ff. eod. Insuper Collatio inducta fuit ne iniuria mutua se fratres afficerent, si vnus patri communi acquirat, alter sibi: sed iniuriæ ratio vltioque inspicitur retro cùm sit, non cùm vindicatur à bono iudice. l. xxj. ff. de iureiur.

24 Hinc demiramur cur extraneus emancipato sũior, non cõferat filio suo cui partem hæreditatis auellit nullo ciuili vel naturali vinculo demerens testatorem, si modo hodie cùm ex testamento æque Collatio interuenit, extraneus sit institutus: nam olim cùm ab intestato tantum conferretur, nõ fuit quod aliquis esset attonitus: Veruntamen placet vulgo extraneum nihil conferre cohæredi suo filio testatoris, idem ipse respondi cùm perrarò hoc eueniat, vt pater sanguinis proprii & imaginis domesticæ oblitus exterum aut cognatum remotiorem anteponat, ideoque lex permittit asperum aliquid fieri, quod factum iri vix à patre coniicit. l. nec in ea. §. si. ff. ad legem Iul. de adulte. Atque ita perficit pietas eximia patris erga liberos à lege præsumpta, vt horum quàm extraneæ personæ deterior conditio nonnunquã sit. l. pater. ff. de seruit. legat. vti ego adnotaui. Adiiciunt interpretes. §. illud, de trient. & semiss. col. 3. vbi omnia

omnia quæ quondam de Collationibus statuta fuerant, antequam Iustinianus ex testamento Collationem introduceret, firma manent: atqui antea extraneus nihil conferebat, nec illi conferebatur à filio defuncti de iis profectitiis quæ nuptiarum occasione à patre acceperat. l. fi. §. si. autem. C. communia utriusque iudic.



OBSERVATA IN PARTEM POSTERIOREM. DISCVSSIONIS BICIPITIS
de Collatione bonorum..

- 1 *Peculium paganum quodnam sit: item castrense vel quasi castrense literatæ militiæ.*
- 2 *Quasi castrensis à causidicis vel sacerdotibus non conferri.*
- 3 *Fæminis quadrat peculium omne, etiam castrense.*
- 4 *Impensæ studiorum an conferantur à filiis.*
- 5 *Pro fovendis studiis pater aliter impendia subministrat, si sint sui quam si emancipati.*
- 6 *In rem patris vertitur id quod filio datur mutua pecuniæ, nec timet macedoniani senatuscons. exceptionem.*
- 7 *Quid si nōdum pater filium dedicat literis, cū ei exteris mutuum dedit, ut studeret liberius.*
- 8 *Num studiosi scholaris libri Collationem sentiant.*
- 9 *Librorum donatio erga filium non caret causa.*
- 10 *Quamvis adhuc non sit doctor filius: moriente patre vel causidicus, non confert libros: & scholaris militat.*
- 11 *Filius ganeo consumptos libros imputat: sed non semper.*
- 12 *Dignitas ac militiæ emptæ an legitimè cedat, & conferatur.*
- 13 *Quid de aliis impensis circa dignitatem à patre pro filio factis & quid si Regi datur pecunia, ut militiæ patris in filium transmittatur.*
- 14 *SECVNDVM tempus Collationis faciundæ inter diverso iure succedentes an singulare fuerit.*

- 15 *Non iure diuerso efficitur ne conferatur, sed cessante fraterna iniuria.*
- 16 *Iure nouo sicut nec Veteri non repellitur Collatio, si testamentum pro parte valet.*
- 17 **TERTIO** tempore dos conferenda fuit à filia. quid dicendum si filia filia sua dotem dederit.
- 18 *Quid si maritus filia defuncti dotem prodegerit. quid in alimētis.*
- 19 **QVARTVM** tempus Leonis Aug. in. l. *Ut liberis. C. de Collation.*
- 20 *Emancipatus confert pro tenore præcedentium legum.*
- 21 *Inofficiosa donatio emancipato facta quatenus rescindatur.*
- 22 *Constitutio Iustiniani, QVINTO tempore spectat nepotes cum auunculis aut materteris succedentes.*
- 23 *Pater dotem non recuperat defuncta filia in matrimonio, liberis superstitibus.*
- 24 **SEXTO** aduentitia non conferuntur: quid statuendum de fructibus horum ab ipso filio consumptis.
- 25 *An emancipatus aduentitia instar sui non conferat.*
- 26 *Filius familias habet aduentitium, licet cum patre maneat. Et quid de fructibus rerum sui filij, quorum alter fit particeps.*
- 27 *Frustra putatur melior conditio emancipati quam sui.*
- 28 *An per. l. filia licet. C. de Collati. aduentitia non conferantur.*
- 29 **SEPTIMO** prohibetur collatio ex testamento, Et quare.
- 30 *An ex parum solemnī voluntate inter liberos olim conferretur.*
- 31 *Quando ex testamento solemnī antiquitus Collatio esset Et an ante Iustinianum Collatio generaliter ex illo innotuisset.*
- 32 *Boni viri arbitrato supplementum legitima vel Collationis faciēda quatenus intellectum Iurisconsultis antiquis.*
- 33 *Etiā iure nouo titulus donationis, vel legati pro legitima nominatim sufficit securitati testamenti.*
- 34 *Donatio inter viuos à Iustiniano apertè Collationem suffert. Et an in legitimam imputetur.*
- 35 *Quinimo iure prisco donatum simpliciter conferri solitum fuit ab intestato: Et an potius diuideretur fratribus.*
- 36 *Morte patris Ut emancipatione donatio confirmatur, explicatur. l. 2. C. de inofficiis. donati.*

- 37 *Non post mortem sed morte donationem patris firmari.*
 38 *Donatio talis quomodo retroagatur.an traditione egeat: & an trāseat in peculium: & peculij singularia multa filio.*
 39 *Empta nomine filij filiaue non ita sunt ei præcipua, quin frater tantundem capiat.*
 40 *Dos potiori ratione confertur quàm simplex donatio.*
 41 *In.l.illud.de Collati.C non prohibetur donatio simplex facta filiōsam.conferrī,nisi sit emancipatus.*
 42 *Quid statuendum de donatione ob bene merita filij.*
 43 *Non pauca conferrī quā in legitimam portionem non veniunt.*
 44 *Quo iudicis imperio aliquis ad Collationem adigatur.*

P A R S P O S T E R I O R C O L L A - tionum.



INSTILLAT Deus sensim mortalibus optimas quasque disciplinas & artes frugiferas, nec momento easdem exhibet mortalibus. proinde lyrae inventor Mercurius cum testudinem exesam intus omnino exceptis aridis nervis aliquando nactus esset, specimen nonnullum musicae dedit, quod posterī æmulerentur, & augerent adiectis aliis atque aliis fidibus: quoad tandem perfectum melos appareret. Ita, hercule, in Collationū tractatu rudi novitati à prætore inductæ, ne iniuria sui liberi ab emancipatis, qui sibi ipsis nō patri acquisivissent facultates, afficerentur, superuenere varix Iurisconsultorum & Cæsarum sanctiones, quæ cœptum opus perpolirent usque ad septem diuersi generis & temporis, totidem enim enumerantur à Bartolo: quibus perspectis mirificus legum, quæ inuicem dissonare videntur, concentus intelligitur. ne autem eadem cantione sapius utamur, prætermitemus ea quæ suprā abundè tradita sunt de Collatione eminente, vbicumque emancipatus iniurius & onerosus est suo: atque de eadem cessante si aberit ratio iniuriæ. l. i. ff. de Collati. bonor. l. filium. §. pe. ff. de bonor. poss. contra tabul. & hoc siue rumperetur testamentum per bon. po. l. siue à principio pater intestatus obiisset. l. 4. C. de Collati. ubi liquet eo

seculo dotem aduentitiam nedum profectitiam conferri oportuisse.

1 Quia paganum seu commune peculium in totidem partes finditur: deinde castrense ac quasi castrense sequuntur. l. fi. C. de inoffic. test. illud pertinet ad militiam armatam, hoc ad inermen: seu literatam: sic namque appellatur ab imp. in l. 4. qui militat. non poss. lib. xij. C. vbi curialibus interdictur armata tam prorsus quàm literata laudatur. præsertim in magistris scriniorum seu libellorum in palatio principem comitantibus. l. proximos. de proxim. sacr. scrinior. lib. xij. succurrit. l. vnic. de castrensi omnium palatinor. pecul. vbi Constantinus Aug. id quod sibi quæsiuerunt parsimonia vel regia liberalitate ij qui in palatio morantur, instar habet, castrensis peculij. quid enim, inquit, tã ex castris est, quàm quod nobis consecis & prope sub conspectibus nostris acquiritur? Sed nec alieni sunt à puluere & labore castrorum, qui signa nostra comitantur, qui præsent semper actibus quos intentos & eruditos studiis iterum prolixitas & expeditionum difficultas exercet. Alludit imperator ad doctos viros, qui in pace & otio comitantur principem in regia, nec non in bello ad castra cum eo pergunt, & signa sequuntur, idest, militares aquilas, quæ victricia signa dicuntur in l. fi. C. de locat. sic itaque gemina ratione peculium quasi castrense habebant: quia quamuis præliis non interessent, tamen non procul ab illis præsto erant Cæsari & ducibus eximiis. quia olim comparatum fuit, ut in expeditionem proficiscentes Iurisperitum aliquem secum ducerent. ut in Galliam Iulius Cæsar duxit Trebatium, uti liquet ex libr. 7. Epistolarum Ciceronis. Moriar, ni (quæ tua gloria est) puto te malle consuli à Cæsare quàm inaurari. & alibi: est quod gaudeas te in ista loca venisse, vbi aliquid sapere videre. quod si in Britanniam quoque profectus esses, profecto nemo in illa tanta insula peritior te fuisset. sed etiam vetus lex Rom. sic habebat: minores Magistratus periti iuris plures in prælia sunt. ut idem autor scripsit lib. 3. de legib. & hoc modo explicatur. d. l. vnic. de castrensi. omni. palat. pecul.

2 Ex his sequitur quasi castrensia non magis conferri quàm

merè castrensis, in quibus filius familias pro patre familias habetur. l. 2. ff. ad senatusconsult. Macedon. l. 1. §. nec castrense. ff. de Collati. nec fit aliqua iniuria filio his non collatis ab emancipato, cui vicissim minimè conferuntur à suo militiam armatā tractante vel forensem. l. 4. l. aduocati. C. de aduocat. diuersor. iudicior. vel cēlestē sacrorum. l. sacrosanctē & auth. presbiteros C. de Episcop. & cleric. nam clerici ac sacerdotes literatæ militiæ nomen dederunt, si tales sint quales haberi velint, vt cæli arcem inuadant virtutum machina: nam & cælum violenti rapiunt.

3 Nec excipio fœminas à quouis peculio, non vtique à profectio ex negotiatione. l. & ancillar. ff. de pecul. l. donationes. §. pater de donati. multominus ab aduentitio. sed à castrensi non ausim quoque eas repellere, si ratione militiæ quæsiuerint aliquid, sicut nec Iurisconsultus de sexu in ea re discrimen facit. l. bello. ff. de excus. tutor. cū constet Amazones è Scythia perfectas ingenti agmine Asiam perdomuisse, & centum annis tenuisse, Dianæ Ephesiæ templo magnificè extructo ob sagittæ di peritiam, vt Iornandes in rebus Geticis scripsit: & Pausanias in Corinthiacis de Teresilla, quæ cæsis in acie viris Argiuorum urbem obarmatis alijs mulieribus à Lacedæmoniis viris duce Cleomene obsidentibus tutata est: vnde statuam promeruit. ne quis ipsi inuideat castrense peculium: vel quasicastrense si doceat Philosophiā, vt fecit Areta filia Aristippi Cyrenaici patri in schola succedens, & filium successorem à se edoctum relinquens qui teste Strabone libro 17. idè *Μητροδιδάκτλος*, vocatus est, vel si iudicet & ira salarium capiat, vt præcellentes fœminæ in Gallia cap. dilecti. de arbitr. & olim solebant liberalibus disciplinis fœminæ institui, etiam iubēte magistratu. l. qui filium. ff. vbi pupill. educar. debe. vbi inter alimenta educatio literaria numeratur.

4 Hinc arrepta occasione commodè quæro an cōferre teneatur filius saltem per imputationem, ea quæ impendit in mercedis præceptorum & viaticum diuturnæ eruditionis, de hac re sic responsum est ab Vlpiano in. l. 51. ff. famil. Hercisc. Quæ pater, inquit, filio emancipato studiorum causa peregre agēti sub-

ministravit, si non credendi animo pater misisse fuerit comprobatus, sed pietate debita ductus, in rationem portionis, quæ ex defuncti bonis ad eundem filium pertinuit, computari æquitas non patitur. hæc ita se habent in filio emancipato, ut distinguamus utrum piæ pater pro filio emancipato expenderit, quod in dubio præsumitur: an magis animo creditoris. quia in suarum rationum librum hoc expensum tulerit. quod prorsus redolet alimentariam causam, ut diximus l. nescennius. ff. de negot. gest. Accedit quod sola pietatis ratio impedit cōdici id quod per errorem solutum est. l. cū is. §. si in ea. ff. de cōdict. indeb. proinde quamvis emancipatus filius sit incognitus iure civili, tamen æquitas naturalis non patitur eum dissimulari. §. emancipati: de hæreditatib. quæ ab intestat. defer. igitur alimoniam ab eo pater non reuocabit. maxime illam quæ alit dulci esca mentem, literulisque fouet eam & simul patrem. quia in rem patris versum censetur quod in causam studiorum filij impenditur, ut filium habeat non mancipium. scitum namque est illud Aristippi Philosophi apud Laërtium, cui ingentem mercedem pro erudiendo puero postulanti, cū pater dixisset, tanti seruum emere possem: eme, inquit, & duos habebis. quocirca liberis docendis lex studet, adeo ut si mutuam filius eo nomine acceperit pecuniā, iam pater creditori teneatur. l. sed Iulianus. §. proinde in fi. ff. ad Mæcedonian. Cæterum hic textus nihil cogit huiusmodi credere: quia dicit teneri patrem intra eam quantitatem quam solebat subministrare, unde si nihil studiorum causa subministravit antea, sequitur non teneri. perinde ac si magis ex sua consuetudine quàm ex literario studij fauore pater ad impendia scholastica filij obligetur. hoc autem paulopost explanabo, & ostendam patri penitus incumbere onus filium studiis idoneum impense pro suis facultatibus instruendi, si prius attigero. d. l. quæ pater. loquentem in filio emancipato, multo magis in filio in potestate locum habere: nec verū esse quod vulgo promiscuè iactatur de vno loquentem Iurisconsultū in alio negare. quia sæpe de vno dicit, de quo tantum dubitatur potius, cū in alio persuasum sit: ut cū lex de lucratiua causa loquitur, de quā videlicet solum dubitatur, nec onerosam continuo excludit, imò ma-

gis amplectitur. l. titia seio. de legat. 2. addatur. l. ab hostibus. §. fi. ex quibus caus. maior. vbi ante absentiam dicta, vel Accursio adimente, locum obtinent in media absentia multo magis. l. ex diuerso. ff. solut. matr. vbi qui ciuile vinculū ponit, non excludit naturale. Nam quod aiunt de filio suo magis videri dubiū, si viaticum studeri pater suppeditauerit: ideò quod emancipato donare possit statim valitura munificentia non autem in sacris posito. l. 2. C. de inoffic. donati. non magnopere me mouet: quia hic nō disceptamus de liberalitate erogata in filium suū, sed de necessitate debiti naturalis. debitum namque expressim lex vocat, ideò à liberalitate differt. l. rem legatam. ff. de adim. leg. similis dubitatio emerfit. in. l. si quis de liber. agnos. ff. eiusdem Vlpiani disquisitione verum ab emancipato filio parens necessariò alendus veniat nedum ab eo qui est in potestate: vel è diuerso verum pater emancipatum quoque alere debeat. quod magis existimat Vlpianus, subdens ex æquitate charitateque sanguinis debere iudicem singulorum desideria perpēdere, ratio elegās mihi perplacet quæ extat in. l. 1. C. de offic. prætor. cui addo pro emancipato studiis incumbente. l. 2. qui ætat. vel profession. x. C.

¶ Quare sine dubio filio in potestate pater tenebitur dare alimenta & cetera adminicula studiorum idoneè. Emancipato autem non sine distinctione nam aut aliunde colligere nequit emancipatus, quia fortè inconsultè iuuenili desiderio à sacris paternis exiuit, nihilque fortè accepit, vt assolet, sibi suffecturum ad mediocrem victum. l. vt liberis in fi. C. de Collat. Et tūc idem erit quod in suo filio. d. l. si quis de liber. agnos. si verò emancipato non fuit victus penuria, tunc nihil peter à patre. d. l. si quis. §. sed si filius. sin autem nihil petenti vltro pater subministravit, tunc exerit alacriter caput. d. l. quæ pater. vt nec filio in portionem legitimam præstitum à patre studiorum subsidiū imputetur, nec fratribus conferatur, vel in diuisionem veniat, nisi probent patrem credēdi animo erogasse arg. l. fi. C. de dot. promiss. d. l. nescennius. ff. de negot. gest. quia præsumptio pietatis paternæ grauat hæredes alios onere probationis l. cum alienam. C. de legat. at quod dicitur patrem pietate paterna & de-

bita impendisse, ad debitum respicit naturale tantum, sed nec vere naturale: quia veniret in compensationem. l. etiam. ff. de compens. & ita cum pater esset debitor filij, non posset eidem animo credendi viaticum impertiri, quin compensaret. sed est debita pietas seu obligatio naturalis tenuis, qualis donatarij erga donantem. l. 28. §. consultuit. de petit. hered. l. si pignore. de furt. cum sit emancipatus filius. Ergo filio in potestate sine dubio pater studiorum impendia pro fortunarum suarum modo dabit, sicut alimēta & pabulum menti suauissimum. d. l. qui filium. vbi pupill. educar. debeat. Accedit quod tutor mercedes præceptoribus pupilli ex officio præstare cogitur, non quantas minimas potest. l. cum plures. §. si. ff. de admin. tutor. ita ut eiusmodi sumptus studiorum alimentis exæquantur. l. si. C. de alimēt. pupill. præst. & inter necessaria in filium impendia veniant alimētis similia. l. de bonis. §. non solū. de carbon. edict. quāto magis pater quo nemo melior tutor curator ve inuenitur. l. si. de curator. furios. C. finge alimentā agrē complecti studiorum impensam, tamen ad hanc patrem adigi fatebere, quia ultra eam ad cetera etiam præstanda filio obligatur pie. l. si quis. §. non tantum. ff. de liber. agnosc. certè ceterorum nomine cum defuncti affectio suadet disciplinæ sumptus venit. l. legatis. cum. l. seq. ff. de alim. leg. Nec obest quod in. d. l. sed Iulianus. §. proinde. ad macedon. inspicitur circa sumptus studij id quod pater filio solebat subministrare, igitur si nihil solebat, non obligatur tertio filij creditori: quoniam non dubitatur ibi quin pater obligaretur, sed tantum quatenus: & responsum est probabilem modum frustra excedi à creditore. erit autem apertè probabilis, quem pater prior ordinauerit licet sit profusus. l. 3. §. proinde. ff. de in re vers. & hoc ibi Vlpianus existimat. respicitur verò quod ultimò pater expendebat. l. mela. vers. sed si. de alim. leg. in dubio putem creditorem cum temperamento delectuque debere filio alieno studenti credere, ita tamen ut non tam inquirat quid pater tetricus expenderet, quàm quod deceret eum expendere. l. 1. de infantib. expos. C. in dubio tenue, quia viaticulum vocat Iurisconsultus Romæ studentis. l. si longius. §. si. ff. de iudic. præterea in eo loco debet credere pecuniam, vbi verisimile sit eo modo

modo patrem vsurum idq; disquirere, ne repellatur exceptione senatuscōsulti. l. Macedoniani. C. ad Macedon. quare probabiliter scire debet à se dandam pecuniam in vrbe studiosis & doctoribus frequentata in studiorum vsu consumēdam. l. si. ff. de exercitor. action. vel dū ita credit eò, vbi celebre auditorium est. l. qui mittuntur. §. si. ff. ex quib. caus. maior.

6 Quæ si curauerit creditor filij, munitus erit aduersus patrē tāquam filij doctrina locupletatum actione de in rem verso in solidum, quippè cū pater filium artificio extructum inuitus non alat. l. si quis. §. sed si filius de liber. agnosc. ergo qui administratur, vt alienus filius studiis inuigilet commodissimè, patrem prosperat & exonerat intra quātitatem, quam pietas paterna non recusaret. d. l. Macedoniani, idest, verisimiliter vel recusare non deberet. vt illud: non facias aliis quod tibi non vis can. 1. dist. 1. idest, quod nolle debes. l. 4. ff. de legat. 2. sic in. §. generaliter constituit. quæ de dignitatib. col. vj. Iustinianus ait consules & præfectus liberari à patris potestate: quia & ipsi patres gaudent, & pro filiis vltro peterent imperium tale, nempe à verisimili voto parentum sic ratiocinatur ostēdens per filios patres nobilitari: per illustrem namque filiū vita duplex quodammodo efficitur parentum: nec Sophroniscum Socrates moralis philosophiæ exlitus demissæ author expirare patitur. aut eius discipulus Plato Academicorum princeps Aristonem patrem. quinetiam facit vt huius originem ad Codrum regem Atheniensem reuocari lætemur sat pio vtique blādimento Diogenis Laërtij. Iam verò si pater compellitur eas refundere expensas quas alius filij studiosi gratia fecit, sequitur patrem si impenderit non recuperaturum: & cōtra se ipsum filio securitate verius parare teneri. l. frater. §. porrò. ff. de cōdict. indebit. sic in. d. l. quæ pater. definiri docuimus & in. d. l. Macedoniani. vbi nescio quid perstrepat Accursius de libris splēdidè inauratis filio studentem ex mutua creditoris pecunia, vt de iis non satisfiat ei à patre, nisi quoad peculium filij. sanè imperator nihil aliud vult quàm Macedoniano senatusconsulto non esse vllam vim in pecunia mutuatice studiorum causa, in alios quoque vsus Macedoniano non eximi filium, si peculium habeat. l. 1. C.

ne filius pro patr. item ex causa studiorum quæ à filio in patrē utiliter refilit, vel ex eius iussu, actionem esse perpetuam contra patrem: ex alia vero causa annalem à tempore quo excussus filius à patrio iure inuenitur. l. i. ff. de in rem vers. itaque Accursius cum literis studiorum inauratis laborās interpretationem in totum plumbeam attulit. dum suspicatur de illis patrem nō nisi peculio tenus obligari. sanè generaliter extero creditori nihil aliud prospiciendum venit, quàm an tales impensas pater sit solitus facere: vel an tales verisimiliter inchoaret pro fortuna sua splendida senatoria fortè aut alterius dignitatis locupletioris. l. filius. §. i. ff. de donation. in hac enim re disquirēda velim utcumque curiosum creditorem, ut pecunia in rem patris vertatur. l. 3. §. sed si accepit. ff. de in rem vers. & opes paternæ obligationi augendæ proficiunt, imò etiam inchoadæ. l. i. §. præterea. de tutel. & rationib. distrah. ff.

7 Quod si cū antea filius non incēperat studere iuri Civili vel alij disciplinæ impensa non mediocri comparandæ, & extraneus filiumfamil. institui ea pecuniis datis curauerit, tenetur pater, si feliciter successerit: sin minus, non tenetur. nisi antea pater met filium imbui voluerat. l. si negotia. ff. de negoti. gest. tamē in filium creditor actionem paratam subsidio haberet ob inopiam vel supercilium improbantis patris. l. in causæ. 1. §. interdum. ff. de minorib. l. si duobus. §. i. ff. si mensor. fals. mod. nam pater causari potest filium à literis abhorrētem frustra mutuum accepisse. nec ei artem iuris magis scriptam fuisse quàm de agrorum cultura sterilibus agris, at filius turpitudinē propriam temere insumptæ pecuniæ allegans, quia hebetis sit ingenij aut vagi, non perinde audietur. l. transactione. 2. C. de transac. nec enim debent studiis nisi docibiles destinari cap. si. de Magistr. & quilibet debet vires suas novisse. l. idem. §. i. ff. ad leg. aquil. qui enim pondus suum metitur, id ferre solet. atqui cū pater consentit erudiendō filio supra murem indocili, eidem imputatur, si fructum ex prædio sterili incassum speret. l. statuta. ff. de vsufr. ipse viderit, & sibi habeat sine amici creditoris iactura.

8 Iam superest, ut paulisper Bartolum audiamus de libris dis-

ferentem, quos studioso filio pater concessit: vtrum cōferri eorum pretium fratribus æquum videatur. si, inquit, pater emit filio libros, & tradidit iam aduocato & in foro militanti, non conferet eos. quia iam sint quasi castrensis peculij. l. 1. C. de castrensis. pecul. lib. 12. l. castrense. ff. eod. nec reuocaretur donatio eiusmodi tanquam confestim valida. l. 4. C. famil. Hercisc. & in hoc articulo mirificè reficior Bartoli opinione. Idem censeo cū illo, si filio nondum iudici aut causidico donauerit libros, verū contigerit vt ante patris mortem in foro vel in æde sacra literatam militiam obeat, pertinax est donatio & irreuocabilis. nā pater non adimens roborat donationem. l. siue. C. de donation. l. donationes. §. pater. ff. eod. Siverò, (inquit Bart. iam declinans in reprobam) pater prius vita functus est quàm scholaris filius Magistratum iniret, vel causas ageret, aut aliter quasi militaret, vel certè doctōr esset, tunc conferret donata à patre: quia, inquit, non habet filius aliquam dignitatem earum quæ nominantur in. l. si. C. de inoffic. testam. & quia discipuli Magistrorū priuilegiis non fruuntur. l. 1. de excus. artific. l. medicos. de profess. eod. lib. planè non videt Bartolus in. d. l. si. C. de inoffic. testam. tantum enumerari causidicos & professores scientiarum, item archiatros, idest, medicorum principes exempli causa, quod nō solet restringere regulam. l. 30. ff. de damno infect. nam certum est presbyteris suum esse peculium quasi castrense. d. l. sacrosanctæ. C. de episcop. & cleri. de his tamen nulla mētio, d. l. si. deinde cū volumus. scholarī studioso seruare libros, ne conferat fratribus, non propterea æquamus eos Doctoribus legum vel aliarum disciplinarum in honoribus: sed hoc tantum exigitur à nobis, vt eos non conferant non enim idē tyroni negamus peculium, quia vltimo loco ponatur in sedibus & ordinibus. l. si. de tyronib. lib. 12. C. nam nec aduocati disertissimi vel professores castrensis peculij instar habentes liberè ita testantur omīssis ritibus vt verè militantes & Martis subeuntes veram aleam. d. l. si. C. de inoffic. fatis est quod illi præter alios filios famil. hoc habeant, vt in potestate parentis manentes pro arbitrio, solemniter interim, testentur. Verū priusquam militari- ter quasi collatis signis aduersus Bartolum configamus, fas est

ostendere libros in gratiam filij studentis coemptos & concessos, siue legibus nauet operam siue alij ingenuæ disciplinæ, nõ conferendos fratribus: quamuis fateamur eosdem nõ esse quasi castrensis peculij. cùm iam docuerimus filium à patre necessario alimoniam accipere, & cetera, idest, quæ ad alendam mentem tanquam partem hominis præstantiorem & vitæ prolixioris spectant, vt disciplinam & mercedes præceptorum pro facultatibus paternis, sicut vestimenta & habitationem. l. legatis cū l. seq. & l. fi. ff. de alim. legat. maximè cùm plerique literarum amore flagrantes habitatione potius careant (vt Diogenes Cynicus dolio contentus: vel vestitu, vt sapientes Ægyptiorum nudi, & ideò Gymnosophistæ vocati, aditi que ab Apollonio Philosopho, vt Philostratus tradit.) quàm librorum iusta suppellectile. secundò, postquam superius demonstratum est alimēta hæc studiorum filiis præstita in rem patris verti, & à pietate paternā verisimiliter præstitum iri, sequitur idem sentiendum de libris. quia cuiusque iure aliquid tribuitur, ea quoque præuia conceduntur sine quibus ad id præcipuum non perueniretur, licet potiora fuerint. l. quoties. C. de iudic. l. 2. ff. de iurisdic. potissimum extestatis voluntate adminicula rerum accedunt. l. 1. §. 1. ff. si vsus fr. pet. atqui sine libris, ali animū literatura impossibile est: ideòque seruantur libri scholaribus obligatis vt arma militibus salua dignitate verorumque, sicut Accurs. notat in. l. nepos de verbor. signif. nisi quis Druidum Gallorum disciplinam proponat: quos Cæsar lib. 6. de bello gallico scribit nihil literis mandasse occultioris Philosophiæ, vt penitus memoriæ præceptiones serix mandaretur. sed hoc inusitatum est. nec vsquam illud magis obseruatur quàm in re alimentaria. l. qui penum §. pe. & fi. ff. de penu. leg. vbi de quibusdam libris ac chartis dubitatur. Accedit, quod rei legatæ instrumenta ad id cōcinnandum præparandumque accommodata accedunt. l. in argento. ff. de auro & arg. leg. ff. l. pe. ff. de pen. leg. planè scholaribus instrumenta libri sunt potius quàm arma militibus. nec enim ipsis tantum studemus sed etiam propter ipsos medullitus intelligendos. §. discipuli. prom. ff.

9 Nec vt quidam somniis excitati autumarunt, est hæc libro-

rum donatio ob causam studiorum, & ideo conferenda auth. ex testamento. C. de Collati. alioquin alimenta bene pasti filij conferrentur. quia vt aleretur, ei assatim data fuerunt. permittimus hoc de dote dici, quæ à patre datur filix vt patrimoniũ separatim extra alimentorum rationem. l. in eum. ff. de religiosis & sumptib. & quodammodo à patre datur festinanter, vt filix pudicitiam seruet incolumen. l. mulier. §. pe. ad trebellian. ff. alimenta igitur vt viuatur tribuuntur, & libri filio vt artem doceatur qua se alat, & patrem subleuet: dos autẽ vt commodiùs viuat filia adulta, sine qua tamen quandoque nubet & elocabitur. neque enim necessariò requiritur. §. neque. de trient. & semiss. col. 3.

10 Adhuc amplius vrgeo aduersus Bartolum, ac contendo libros scholari filio à patre datos non conferri fratribus post patris mortem, etsi filius nec doctor, nec causidicus, vel sacerdos euaserit, licet etiam falso fatear hos in rationem alimentariam non habendos, Eo magis hoc assero, quia libri instrumenta sunt futuræ militiæ magis quidem quàm arma equiue. nam armis & equis viatores ac venatores impunẽ vtentur extra causam belli. l. 1. ff. ad leg. iul. de vi public. libri verò non nisi studiis vsui esse queunt. atqui eadem est ratio instrumenti quẽ rei principalis, cuius instrumentum est, vt ostendi ex. l. in argento. ff. de auro legat. addatur. l. 2. §. si conseruatis. ff. ad leg. rhodi. præterea quæcunque donantur filio militiam eunti non accepturò nisi miles foret, ea castrensis sunt peculij, modo re ipsa tradantur nec enim emisse eius nomine sufficeret. l. 1. de castrens. pecul. lib. xij. C. idem si nummi filio dẽtur, vt arma comparet. l. si mulier. ff. eod. sicut arma otiosa militem nõ facerent, nec libri studiosum desidem, nec multa barbita citharadum quia libri desiderantur, & librorum vsus l. semper. §. licet. ff. de iure immunit. Accedit vulgatũ Martiani testimonium in. l. legatis. §. ornatricibus. de legat. 3. vbi non sequar Bartolum fauori legatorum & testamenti id ascribentem cum sit iustissima causa studiorum. l. nec non. ff. ex quib. caus. maior. Martianus verò respondit illic, id quod Imperator in. l. 1. de excusari. artifice. peritiores in dies fieri Magistratos dum docent, & se ipsos exercent. vnde, inquit

ille, si legentur ornatrices ancillæ, cedent illæ quoque quæ paucis mensibus ornandi operam didicere: alioquin nullæ cederent, cum omne artificium incrementum accipiat. adeo ut M. Cato, diceret se aliquid quotidie discere senescere. alius etiã discere optat alterum pedem in sepulchro habens. l. apud in fi. de fideicommiss. libest. quod si quis putet Martianum duntaxat explanare mentem defuncti inter ornatrices adnumerantis eas, quæ vixdum inceperunt, sicut auri exlati verbo id venit quod cæleri cæpit. l. & si non. §. infecti. ff. de auro leg. hoc equidem fateor: sed ratio generalis quæ subiicitur artificij cuiuslibet quotidie incrementis, ostendit scholarem non differre à doctore specie, sed tantum temporis spacio & experientia, ideoque iure non separari à militante in castris musarum vel Iurisprudentiæ. l. fi. ff. de fundo instruct. nam & Iurisconsulti consilium præbentes summis præsidibus, & eisdem salubriter assidentes non alio sapius nomine quam iuris studiosorum lætantur. l. i. ff. de offic. assessor. Doctorem in multis scholari præferam & tyroni veteranum, ut superius fateor: sed quin tyro peculium castrense habeat, scholaris quasi castrense pari beneficio non admittam. l. 2. de excus. artific. C. maximè in libris à patre concessis numquam admittam: sic namque adiuuo iustissimam studiorum causam. l. nec non. ff. ex quib. caus. maior. sic eundi & redeundi ad castra literaria impendia militiæ comparo. l. qui mittuntur §. fi. cod. eodem modo filium suum studētem adiuuo, quod lex eum immunitate donat. l. 1. & 2. qui ætat. vel profess. & quo denique modo lex studentes miseratur velut spontaneos exules mille periculis expositos, scientiæ amore incensos auth. habita. C. ne filius pro patr. Teneo iam hanc amabilem rationem per vestis laciniam, quoad ei iungam. l. vnic. de bonor. poss. ex testam. mil. ff. ubi. qui militiæ pericula eadem subeunt, eodem iure potiuntur, usque ad remiges in nauibus & excubitores. Quinimo non mihi videbor præposterus interpretes, si scholarem militare periculosius quam Doctorem in foro celebrem notauero. hic enim tantumquam in palæstra suauiter exercetur & idcirco Athleta iudiciorum vocatur omni quo felix. §. & quod iam. proæm. ff. qui lucrī dulcedine ac laudis leuat laborem: item emeritus quiescit po-

tius quàm militet. l. 1. de comitib. & archiatris lib. xij. C. perinde ac si præteriti laboris præmium capiat magis quàm præsentis melle illiti. l. 1. C. de assessorib. vnde Stratocles & Dromocli- des caufidici solitos se inuicem ad messem auream compellare Plutarchus in Politicis refert, sic enim curiã per iocum appel- litabant. & mercedes forensium solatij nomine censentur. l. 3. C. de aduocatis diuerfor. iudicium & l. si quis de proxi. sacror. scrim. lib. xij. C. sed scholaris fuligines ebibit lucubrationum. spe illectus, nondum præmiis, se ipsum exinanit, & deterit for- tunas suas præsentis, hospitibus infidis obnoxius, in summam à vilissimis hominibus cõtumeliose tractatur, vt Imperator re- censuit in. d. auth. habita. qui vel silicem posset misericordem reddere. taceo longissimas peregrinationes, aut veriùs exilia, quales fuere Platonis in Ægyptum aut Pythagoræ Ægyptiorũ & Chaldæorum occultiores disciplinas scrutati, & in sua dog- mata traduentis, si quid Suidæ creditur, hos viros quĩque simi- les fatebitur militibus pernoctantibus, quos buccina exuscitat non gallinaceorum cātus, vt caufidicos aut caufidicis beatiorez iudices, qui in stadio legum legitimo tempore decurrerint. d. l. 3. C. de aduoc. diuerf. iud. nam & si alij aliis celerius studendo proficiant, tamen tempus certum præstitui necesse fuit. l. nam a- liter. ff. de tritic. vin. legat.

II Quæri solet de libris per filium distractis & abliguritis, an conferendi æstimatione veniant, vt Bartolus existimat in auth. quod locum. C. de Collationib. vbi filia quæ à viro ad inopiam urgente dotem non repetiit tempestiuè, sibi met imputat culpã negligentiz: quanto magis filius negligentiz fines transgressus ob luxum & aleam? Alij considerant dotem consumptam im- putari filiz, quia si eam à marito recuperasset, conferret vtique. at libri non ita conferuntur, vt iam persuasimus, si filio studio- so frugique tradantur à patre. Quid si alia ratione assentiã Bar- tolo, ideo quod nihil verum fuerit in rem patris ex filij studiis. tum quia alimentorũ vocabulo nõ veniunt libri ei, qui nõ esu- rit literas, neque illis vesci dignatur: & ex persona eius ac chari- tate votoque patris metimur alimentorum modum. l. pe. ff. de aliment. leg. Tertiò quoniam ganeones & malè meritos egesta-

te premi expedit. l. bona. ff. de posit. quartò quia libros armis as-
 similauimus, sed arma turpiter amittenti non succurritur. l. 2.
 ff. de captiu. non omitto, quod exemplo erit filius vnus ita mul-
 tatus ceteris ad studia impense missis, ne prodigere quàm pro-
 ficere malint. l. 1. C. ad legem Iul. repetund. nec impuberem do-
 li capacem excipio. l. impuberē. ff. de furt. nec minoribus xxv.
 annis in delictis aut dolis succurritur. l. si ex causa. §. nunc vidē.
 ff. de minorib. certè facinus est ingens spem patris fallere, & re
 optima pessimè vti, atque medicamentum in venenum conuer-
 tere. l. 3. ff. ad leg. cornel. de sicar. vbi propter exemplum pern-
 ciosum pœna incurritur, licet malus absit animus: multo magis
 ergo vbi iuuentus, cui suas institutiones Iustinianus dedicauit
 vt legum & literarum cupidè, libros nequissimè consumpserit:
 nisi pater certò sciens filium à studiis alienum & vecordem li-
 bros dederit: quia tunc culpandus veniret. l. quòd si minor. §. re-
 stitutio. ff. de minorib. si enim instar armorum libri habent, fu-
 rentem perperam armamus. l. qua actione. §. pe. ff. ad leg. aquil.
 in rem quoque patris volentis versum censetur id quod dispe-
 riit. l. 3. §. nec nō. ff. de in rem vers. Quòd si quis renitatur ob de-
 bitum naturale patris in filium alendum. l. quæ pater. ff. famil.
 Hercisc. eoque putet impediri repetitionem etiam in re dura. l.
 5. §. imperator. ff. de soluti. fatebor impediri, sed retentam æsti-
 mationem librorum penes filium in legitimam portionem ei-
 dem acceptam ferri asseuerabo. & in pari causa potior erit con-
 ditio filij possidētis. l. 2. C. de condi. ob turp. caus. sed id quod
 à filio non auocatur, eiusdem periculo manet qui secus est vsus
 quàm promisit, & quàm expediuit. l. qui iumenta. ff. de furt. l. in
 rebus. ff. commod. Quòd si filius respiciens studiis posterioribus
 præteritam socordiam & nequitiam aboleret viuo patre, & iu-
 uenile dedecus noua diligentia redimeret, ignoscendum existi-
 marē. §. si vero is. in auth. de monach. col. 1. cùm constet Scipio-
 nem Africanum puniceis trophæis & virili sobrietate ac prudē-
 tio clarum adolescentiæ annos infami voluptate traduxisse: &
 apud Græcos Themistoclem in amoribus nimium in iuuenta,
 teste Æliano, sed postea alio Reip. amore æquè percitum laudi-
 bus claruisse, iuuat. l. in ipsius. C. famil. Hercisc.

12 Nunc disquirendum restat, an ea quę pater expendit in militiam seu dignitatem filij, in legitimam partem huic computetur, vt consequenter conferatur. Nec enim iura sibi hac in quaestione concinunt. nam Vlpianus tradit Papinianum dicere id quod à patre filio nomine dignitatis datum est, vel debetur, nõ conferri. l. 1. §. nec castrense. de Collati. Sed Iustinianus ait in. l. omnimodo. §. fi. C. de inofficios. testam. quęcũque occasione militiæ ex re patris ad filium illatæ prouenerunt, si militia ad hæredes transeat siue vendi possit, in legitimam imputari, igitur & conferri. l. illud. C. de Collation. vbi idem confirmat, quod dixerat in. d. §. si. vbi excepit Silentiariorum munus quieti palatini studentium: sicuti patet ex Procopio libr. 1. de bello persico, vbi Diogenem cum Adolio ministro quietis in palatio, quod munus Romani Silentiarium, inquit vocat, per Belisarium militiæ bellicæ præfectum refert. Suidas Anastasium ex silentiario factum imperatorem scripsit: idem Zonaras, adiciitque id munus humile fuisse τῶν χαμαιζώνων δὲ τῷ τοῦ ἀξιωματικῶν sed hoc verũ respectu regię potestatis, quam tamen Senatu & exercitu ad stipulante consecutus narratur. Valentinianus Silentarios miris honoribus cumulat atque immunitatibus, nec non Senatorio honore, cùm per continuos xiiij. annos, inquit, inculparas excubias peregerint. l. 3. de silētiar. lib. xij. C. quod videtur manasse ab eo quod Paulus scribit puniri capite qui palatij excubias deseruerit. & si ex causa desertionis mox restituatur, donaria stipendiaque medijs temporis non recipere, nisi princeps id expresserit: nam tales militiæ sequelam habebant stipendij ac salarii è thesauris publicis plerunque præstandi, licet venales essent. l. creditor. §. inter ff. de actionib. empt. neque aliquid mihi videtur æquius ac commodius quàm filiosfam. expensam ferre pecuniam insumptam pro dignitate: quippè quæ ipsius personæ ita cohæreat singulari iure, vt patri non acquiratur, cui alioquin cetera acquiri solent. l. 3. §. si quid. ff. de minorib. xxv. l. placet. ff. de acq. hæred. vnde ingens vtilitas paratur filiisfamilias: sicut namque propensiores patres ad comparandam filiis militiam non sine sui imminutione patrimonij, si præsenferint eam demum in portionem legitimam illis imputatum iri. proinde fas

est ipsos hac in re prægruari, vt iisdem lubentiùs faucatur. l. quod si minor. §. non semper. ff. de minorib. xxv.

13 Sed iam Papiniani sententiam discutiamus, onera militiæ filio acquisitæ communia fratribus facientis, nec sibi est dissimilis in. l. si vni. §. Neratius. ff. famil. Hercisc. vbi de eo scribit, qui cùm plures filios haberet, vnum ex his τὴν ἀρχὴν, suscepturum professus est, & priusquā munere fungeretur, mortuus est omnibus filiis hæredibus institutis: hinc quæsitum est, an is filius quod in munus impendisset, iudicio familiæ Herciscundæ consequeretur: quod magis admittitur. est autem, ἀρχή, Magistratus vnde apud Plutarchum in libro de præceptis ciuilibus Epaminundas Thebanis suis dixit: ὁ μόνος ἡ ἀρχὴ τὴν ἀνδρα δείκνυσιν, ἀλλὰ καὶ ἀρχὴν ἀνὴρ id est, non tantum Magistratus virum demonstrat, sed etiam Magistratum vir. significat quoque ἀρχή, eodem sensu principium seu principatum: quia Magistratus quoque princeps ciuitatis vocatur. l. spadonem. §. Si ciuitatis. ff. de excus. tutor. & psalmo C I X. μετὰ σοῦ ἡ ἀρχὴ ἐν ἡμέραις δυνάμεώς σου. id est, tecum principium, seu principatus, in die potestatis tuæ. accedit, quod magistratus anno ineunte Calend. Ianuariis suscipiebantur electione ciuium. l. Publius. ff. de conditi. & demonstrat, & pater filio obeunti functionem consentiens, pro eo fideiubere credebatur. l. quories. ff. ad municip. vt notat Accursius, sed non reuelat intima dubitationis, quare filius tanquam reus principalis erga patrem benignè fideiubentem non teneatur fratribus cohæredibus, & in ius fideiussoris excepta portione vnica debitoris confusa, succedentibus, & mandati actionem habentibus, sin reus. ille nitatur iure singulari. l. furti. §. mandati. ff. de iis qui notant. l. cùm reus ff. de fideiussorib. itaque omnes hæredes fratres æqualiter obstricti manebant non solus ille honoratus, idque speciali iure & fauore non vulgari: quia nimirum non imputatur ei in portionem suam, nisi quatenus post mortem patris publici muneris onus superuenit. l. & si filium. ff. de munerib. nam præcedentes expensas munificus pater gaudens honore filij, & suo consequenter, largiri vltro creditur. d. l. i. §. nec castrense. ff. de Collati. vbi angustat Bartolus has impensas causa dignitatis ad eam quæ vendi nequit, vt si

filius fiat Doctor, vel Episcopus. ego verò existimarem in patre
 mediocrium facultatum qui pro diplomatis Episcopi designa-
 ti multum impendisset, imputandum filio id quod erogasset vl-
 tra pietatis paternæ verisimilem coniecturam, cum nec studio-
 rum fauor hunc modum exerat. l. sed Iulianus. §. proinde. ff. ad
 Macedon. præterea sic fient patres procliuiiores ad expèdendum
 pro filio ea, sine quibus filius ad summum dignitatis nō veniet
 fastigium: ne vno filio splendide viuente ceteri esuriāt. vt si
 quid principi detur eximium, quò magis militia de patre in fi-
 lium transeat præter naturam suam, quasi ematur ipsa, sed nunc
 vilius filij causa. l. vnicuique de proxim. sacror. scrip. xij. C. vbi
 benigniùs agitur cum filiis honoratorum licet rudiusculis. po-
 tior ergo imputatur militia ad hæredes permeans. & certè in v-
 traque magnopere fauetur, iis quorum pecuniis cōparatur eue-
 tu solo quamuis non consilio. l. si. C. de pignoribus. proinde as-
 sero in. d. §. nec cāstrense. nihil tractari de ipsa militia seu mu-
 nere, quòd vendatur, vel donetur gratis, sed nominatim de on-
 eribus militiæ accedentibus propter festiuitates, xenia, epulum,
 ludumque gymnicum, qui honori eorum edebatur quos digni-
 tas venalis aut minimè venalis honestabat. d. l. Publius. de con-
 dit. & demonstr. §. quantumcunque. de consulib. col. 4. in auth.
 nam dum sine pecunia quisquam fiebat consul aut senator, lar-
 gitione opus erat non ad cōmèdum genus hoc oneris, sed vt fe-
 stiua hilaritas decoraret ineuntem munus. idem si militia ven-
 dita fuisset. sicut hodie palam in ordinem senatorium adlectis
 videmus: quibus sine dubio summa in ærarium principis illata
 imputatur in legitimam filij: aut certè quanti sit ea militia tem-
 pore paternæ mortis. l. illud. de Collat. C. ergo deducto onere
 præcipuo. l. non amplius de legat. i. ff. non coccinea vestis aut e-
 pulum à patre datum. ideòque inter virum & vxorem in iis re-
 bus donatio consistebat. l. quod adipiscendæ. cum. ll. seq. ff. de
 donati. inter vir. quia maritus non propterea fiebat locupletior.
 l. si sponsus. §. Concessa eod. hoc liquet in. l. si propriis. C. eod. v-
 bi donata marito ab vxore, vt ad dignitatem profint, non reuo-
 cantur: quia non emendæ sed ornandæ dignitatis gratia mulier
 erogauerat, sicut in patre iam diximus. cum largitur obiter pro

filio, nec ipsum locupletat, sed decorat. *lucri enim lex meminit.*
l. illud. C. de Coll. & d. l. omnimodo. §. si. de inoffic. test. nec pro-
militia expendit sed pro introitu militię, vt describitur in. l. pe.
§. alumno ff. de legat. 3. M. Tullius in oratione pro L. Murena
Consule designato publicam magnificentiā populo Rom. gra-
tissimam fuisse narrat, præsertim eorum qui Magistratus pete-
rent, vt plures suffragatores haberent citra ambitum & corru-
ptelam. Sic intelligitur. l. nuper. de donati. inter vir. tolerabilia
namque sunt ea quæ consuetudo approbavit, neque horrescunt
sanctionem. l. si. C. ad leg. iul. repetund. de fuetudine inumbra-
tam. faxit Deus vt qui emunt dignitates publicas, honesto saltē
lucro contenti sint, neque cursim velint sibi refundi, quæ semel
in eas insumpserunt, & si quid lautitia ac liberalitate erga ami-
cos expenderunt, ne mox auarē rapiant, sed hoc iam pene vñta-
tum est circa adipiscendos honores quod olim frequens & lau-
dabile fuit, de quo Plinius iunior. lib. x. epistolārum ad Traia-
num Aug. qui, inquit, virilem togam sumūt, vel nuprias faciūt,
vel ineunt Magistratum, vel opus publicum dedicant, solent to-
tam Bulen atque etiam ē plebe non exiguum numerum vocare,
binosque denarios vel singulos dare, quod an celebrandum &
quatenus pures, rogo, scribas. Budeverō fuit consiliariorum cō-
tus, vnde τῆς βουλῆς δόγμα id est, senatus decretum. l. 2. ff. ad vel-
leian. non prætereo. d. l. Publius. ff. de condition. & demonstr.
Nolo plura nouē inuenta scribere, ne duo alieni laboris prædo-
nes aliique, quorum hæc terra ferax est, hæc qualia sunt contre-
ētent. Sed eos iam dimitto; cum, quibus lex negat iustū esse bel-
lum, nec eos hostium nomine dignatur: & aduersus strenuū du-
cem Bartolum in certamen alacriter descendo.

14 Secundum tempus Collationum ille meritis est æquitate
Scæuolæ Iuriscōsulti. l. si filius. de Collationib. vbi inter diuerso
iure succedentes obtinet collatio, locum, si modo potuerant eo-
dem iure succedere. cū m. filius in potestate fuisset institutus præ-
terito emancipato petente mox bonorum poss. contra tabulas
aduersus testamentum: & sic ex huius persona suus quoque po-
tuit eandem petere. l. si post. §. si. de bonor. poss. contr. tab. etiam
si præteritus non petat, quamuis est vtilius instituto, si etiā præ-

teritus petierit. l. nonnunquā de legat. præst. ne videlicet præster legata nisi coniunctis personis. itaque illic Sexuola refert editum prætoris rigide sumptum habere, ne Collatio intersit, dū instituto suo emancipatus præteritus expugnat testamentum. sed tamen quia emancipatus iniurius fratri fiat magis est ut conferat eidem. Inde Accursius & Bartolus colligunt, ex edicto prætoris inter succedentes diuerso iure cessare Collationem. quod mihi non admodum placet. si quidem potius voluit Sexuola ex edicto prætorem non conferri prisco iure iussisse institutione vigente. l. i. C. eod. atqui in potestate positus fuerat institutus. quod si quis regerat in diuersum, bonorum possessionem contra tabulas ab emancipato petitam reducere prorsus testamentum ad causam intestati: nec sic se habere ut querelam inofficiosi testamenti, quæ quoties vnus filius est institutus, alter exheredatus pro parte tantum rumpit. l. cum duobus. C. de inoffic. testam. verèdum est ne cum Accursio decipiatur in d. l. si filius. vbi lex vim facit in filio in potestate instituto, qui tueretur suam institutionem si malit, licet frater emancipatus ex præteritione petat bonorum possessionem contra tabulas ut in l. ls. qui. §. sed si vnus. de legat. præstand. Quocirca Sexuola habens præ oculis mentem prætoris ob propulsandam iniuriam Collationem introducentis potius quàm verba, iubet emancipatum conferre suo, cui est iniurius reducens testamentum ad causam intestati per contra tabulas saltem ex suo latere: & eo magis, quod frater suus non solum fretus est iure patris potestatis ob quam nihil non patri acquisiuit, sed etiam habebat patris iudicium amabile ex testamento velut longè charior, vnde crescit vis iniuriæ repellendæ. Et denique habebat regulam iuris, quæ non patitur in cuiusquam odium verti, quod in fauorem eius inductum sit. quare filius emancipatus non potuit ciuilitè recusare Collationem ob vnā causam, quia frater institutus esset: cum vulgò dicatur recteque exclusum aliquem à bonis certæ personæ forte ingratitudine, non ab illis excludi quæ ex testamento capit. l. si patronus non. ff. de bonis libert. sicut nec affesor post finitum spacium sui muneris ad idem reuerti prohibetur, si prouocetur ac nominetur, secus si affectauerit. l. liceat. C.

de assessorib. & l. v. eod. tanti fecerunt legumlatores accersiri quemquam ab aliis, & heredem institui potius quam ab intestato succedere. & ea fuit ratio quondam, vetitæ Collationis, si testamento locus fieret, verum in. d. l. si filius. emancipatus ad intestati causam reduxerat iudicium defuncti pro parte & conatu suo per bonorum poss. contra tabulas, sic obrepens particeps erat rerum paternarum, ideoque fratri suas iure conferet. nec vim ullam facio quod iure diuerso succederetur, qualem quidam faciunt ex Papiniano & Paulo in. l. pater filium cum. l. seq. ff. de Collati. dot. vbi pater filium emancipatum instituit, & filiam exheredauit, quæ per querelam inofficiosi rupit pro parte tantum, vt assolet, testamentum. l. cum duobus. C. de inoffic. testam. nec cogit fratrem conferre: quia nõ ita ille neglectus fuit vt in. d. l. si filius. ff. de Collati. sed vocatus iudicio patris. nec ipsa, inquit Paulus, dotem conferet fratri: cum diuerso iure frater hæres fuerit. siue plures sint, nihil interest. hanc rationem læbunt in superficie doctores: nec medullitus gustant quid velit. non enim vis facienda est in diuersitate iuris duntaxat: sed magis quoniam emancipatus fretus fuit blando patris iudicio, cū soror è diuerso esset exheredata. nam quamuis iniusta fuerit exhereditatio, tamen præiudicium habet offensæ alicuius, sicut & præteritio parentis gnari se filium habere. l. si cum vel. C. de testam. milit. ideoque in matre pro exheredatione stat. l. filiam. C. de inoffic. testam. l. sicut. C. de testam. mil. ecce quomodo in. d. l. si filius. præteritio obfuit emancipato, qui impugnās patris iudicium conferre adigitur fratri apud patrem viuum graviori. unde liquet rationes legum nõ superficie tenus sed penitus inspicere oportere vt in. d. l. liceat. de assessor. C. vbi assessorem functum munere rursus ad idē redire fas est. quia inquit, qui semel probatus est, non debet ob hoc solum improbari. at tamen hæc ratio intelligitur in eo qui à iudice vocatur ad assessoriam functionem, non qui sese offert vltro præsidibus. d. l. v. eod. sic in. l. item mela. §. 1. ad leg. aquil. cum sit pœna, inquit, vno soluente alij nõ liberantur. id est, pœna delicti insignis nominati supra dolū simplicem. l. 1. §. si plures. ff. de eo p quem fact. Quod si quæras cur in. l. nec ipsa, soror à patre exheredata non conferat dotem pro-

festitiam fratri instituto, cui patris iudicium profuturum tantopere commendabamus: Respondeo, quia frater sibi dotem à sorore conferri non vult: eo inquam, quod ipse conferre inuicem recusat. sed si vellet, utique sororem quoque egeret, ut innuit Papinianus in d. l. pater. eum ait emancipatum institutum à patre non esse cogendum conferre sorori exheredi: igitur ultro conferre ipse poterit, ut prouocet sororem ad Collationem dotis. nec diuersitas iuris impedit Collationem ut in l. 2. §. si. de decurionib. ff. ratio est quia is qui iniuriam se passum dicit, conqueri potest vel eandem piè dissimulare. §. si. de iniur. at quicumque lacescit, non habet in arbitrio suo ne prouocetur iure, qualis est qui fratrem testamento patris accersitum interpellat exheres vel præteritus, & simul supremum patris iudicium inquietat. Sed pertinax est Bartolus in sua diuersi iuris sententia: nec alia ratione Collationem recipi cõtendit in. d. l. si filius. quam quod is qui ex testamento patris succedit, poterat similiter ex fratris præteriti persona testamentum expugnare, & sic pari iure succedere, atqui Sczuola non illam rationem affert: sed totus nititur in iniuria quam emancipatus suo filio defuncti facit contra testamentum. Quinimo idcirco minus conferendum fuisse filio suo, quia imputari poterat ei, cur non eodem iure ex fratris persona succederet per bonorum poss., contra tabulas. d. l. si post. §. si. de bonor. poss. contr.

15 Tolle itaque rationem fraternæ iniuriæ, & continuò tolles Collationis materiam ut. l. filium. §. videamus. ff. eod. vbi filio in potestate à patre exheredato emancipatus est præteritus, & exteris institutus, qui non adiuit hæreditatem. aiunt vulgò cessare hinc Collationem, quod succedant filij dispari iure alter ab intestato, alter bonorum possessione cõtra tabulas. Quin potius hoc euenit, quod filius suus à patre exheredatus mox successit sine molestia beneficio emancipati præteriti: ut potè quem filium per bonorum possessionem testamento restitutum reformidauit hæres institutus extraneus, ideóque non adiuit hæreditatem ut expressim prædixit Iurisconsultus in. d. l. filium. sed surdis illis dulcissimum melos cecinit, ostendens hærede non adeunte exheredationem intercidere, vsque adeo ut potiùs eodem inte-

stati iure quàm dissimili fratres potantur paterna successione. quodque hoc verum sit in.d.l.filium. §. videamus. pergit Triphonius in vers.& hoc sit.explanare altero exemplo conticētis Collationis,dum emancipato petente bonorum possessionē facit lucrum is qui in potestate mansit, honore institutionis à patre quidem decoratus, sed ex parte exigua cùm haberet cohæredem honoratiorem exclusum demum à filio emancipato præterito: vnde suus percepit dimidiū paternæ successionis opimū pro portiuncula testamentaria. & est quòd gratiam habeat fratri emancipato, ne saltem cum Collatione petenda infestet: idque ex mente & æquitate prætoris: cùm tamen extorqueri possit collatio ab eo per illum cuius occasione locupletatur. l. si filiam. de Collat. dot. ff.

16 Quo fit, ne putem hoc correctum esse nouo iure, quo tã ex testamento quàm ab intestato collatio est. non enim hoc quicquam pertinet ad rationem iniuriæ cessātis, cum qua simul cessat collatio, etiam si innitatur diuerso iuri. hoc adfero propter Bartolum in.d.l.pater. de Collat. dot. hodiè, inquit, non impediret Collationem iuris diuersitas vno hærede succedente ex testamento cum altero ab intestato, cùm vtroque sit locus Collationi. Sed vt dixi, in diuerso iure parum virium constituo. Quinetiam nihil impedit cessare Collationem ex testamento seorsum, & deinde ab intestato, & tamen coniunctim conferri: sicut in Trebellianicam quartam legata imputantur, item iure hæreditario obueniētia, non autem mistim. l. in quartam. ff. ad leg. falcis. l. vim possam. §. præscriptione. ff. de adulter. de qua re lason & reliqui interpretes vsque ad rauim argutè disceptarunt in. l. vt liberis. nec ausim, si nimis repugnent, obstrepere: nec dubium est, filium vnū ab intestato venire, si iniuste exhæredatus querelam proposuerit, ita vt residuam portionem fratri instituto dimittat. d. l. cum duobus de inofficios. nec Collationem extorqueat ab illo, quem firmat patris testatio. d. l. pater. secus si per querelam totum patris iudicium destrueretur. nam tunc moriente in totum testamento viuida collatio emineret. d. l. vt liberis. C. de Collationib.

17 Tertium tempus Collationis fuit. D. Antonino Pio dotem filix

filiæ contribui iubente, licet iure ciuili succederet existens in potestate. l. 1. de Coll. dot. atque ita se potius bonis paternis immisceret quàm per vllam nouam aditionem aut per bonorum poss. vnde liberi, succederet. si enim dos est præcipitatio quædam dandæ legitimæ portionis, vt sexui & pudicitie consuleretur: & præterea si iure dos imputatur in legitimam. l. quoniam. 1. C. de inoffic. testam. merito conferetur. l. illud. C. de Collat. & iam suprâ demonstrauius ita alienatam dotem esse à patris facultatibus, vt ad eas reuerti possit atque cum illis minui. §. quia verò de æqualit. dot. Col. 7. l. pater filiam. ff. ad leg. falcid. Planè dos illa quæ non est data filiæ succedenti, sed quam ipsa fortè emancipata dedit filiæ suæ nuptiis collocatæ, non veniet in Collationem: quia in bonis suis eam non habet, sicut habet dotem propriam. l. 1. §. si. de Coll. dot. l. filium. ff. de Collat. licet aliquo casu ad matrem patremue, qui filius est quoque defuncti de cuius successione quæritur, scilicet ex pacto redire possit, aut mortua in matrimonio filia sine liberis. l. pater. ff. de cuius. l. 1. §. lucratiuas. de impon. lucrat. descript. x. C. vbi nō inspiciatur circa dotem, quod aliquando potest accidere.

18 Illud receptum est aduersus mulierem, vt ipsi imputetur, si dos à viro dissipata sit, nec conferri queat à muliere iuris remediis non vtente auth. quod locum. C. de Collationib. non enim tanti est pietas patris in filiam, vt eam rursus dotare cogatur. fingamus dotem si nō iure obligationis, certè officio iudicis filiæ debitam. l. qui liberos. de rit. nupt. ff. num creditori bis idem debitum solui iubebimus: maximè cū mulieris culpæ ascribatur dotis profusio, cū sit auara natura. l. si stipulata. ff. de donati. inter vir. quare vbi claruerit mariti bona pessum ire, reuocare debet dotem rebus integris. l. in rebus. C. de iure dot. claruit autem cū maritus inchoauerit sic abuti substantia sua, vt residuum bonorum vix sit par doti exoluendæ. §. illud. de æqual. dotis: col. 7. nam inchoare is etiam dicitur qui valdè perrexit. l. qui furere. de statu homi. ff. quocirca cū iustè dos mulieri à patre data fuerit, importunè eam consumptā sua culpa denuo petet. l. si cū dotē. §. 1. ff. solut. matr. Sed in alimentis aliud statuerē, & filiam profusa dote à patre ali præ-

ciperem ratione naturali, & iure magis fauente filiis ignauis atque imperitis, qui seipfos alere opificio nequeunt l. si quis. §. sed si filius. ff. de liber. exhib. item aliis personis vitæ sequioris, ac miseratione ideò dignis, quàm frugi hominibus in re alimentaria magis consulitur. l. cum hi. §. sed & personar. ff. de transacti. filia namque manet quamuis imprudenter se habuerit. §. 1. in fi. de incest. nupt. col. 2. nec ideo occidere eam permittitur patri, quia nō cogitur bis dotare. l. necare. de liber. agnosc. ff.

19 Sed nos iamdudum expectat quartum ius plenum vtilissimæ nouitatis in d. vt liberis. C. de Collation. vbi sicut in dote iure diui Pij, ita in donatione propter nuptias recipitur sanctione Leonis collatio, non tantum inter suos sed etiam mirabiliter inter emancipatos: & non modo inter hos sed etiam inter eos qui sui quidem non sunt, non magis quàm emancipati, sed per lineam fæmineam descendunt. quod tertium veteres non senserant, conferent namque inuicem, percepta ab ea persona, de cuius successione tractatur. Quartò temperatur collatio emancipatorum filiorum inter se, vt quamuis suis filiis omnia promiscuè conferant. l. ea demum. C. eod. emancipatis tamen vice mutua non conferent, nisi tantum ea quæ à patre communi profecta fuerunt. ne filius sibi laborans liberè & iugiter fratrem dissolutiorem ac vanum, participem quæstus sui facere cogatur, q. si fuisset pariter emancipatus, sibi multa gnauiter peperisse poterat. Emancipatis videlicet liberis, inquit Leo, ea quæ in ipsa emancipatione à parentibus suis (vt assolet) consequuntur, vel post emancipationem ab eisdem parentibus acquisierint collaturis consueuerat enim pater cum filium emanciparet eidem pleraque donare, quibus se commode aleret vel negotiaretur. l. 2. & fi. C. de emancipat. nec dubium est postea impune donari filio emancipato. l. 7. C. de inoffic. donat.

20 Nec dicit Leo Augustus hic Collationem fieri pro tenore præcedentium legum inter emancipatos, cum ipsemet hoc noui iuris excogitauit: sed vult emancipatos ritu antiquo & tenore legum præcedentium, antequam Leone posterior Iustinianus in. d. l. fi. de emancipati. aliquid innouaret, collaturos vt Do-

Atores explicant, appositè quidem & non sine auxilio. l. liberos. C. de Collati. vbi antiqui iuris mentio fit, sed paruo cum effectu. Vel fortè voluit Leo emancipatos collaturos non præcise, sed pro tenore præcedentium legum idest, si velint succedere, non autem si donatis sibi à patre rebus contenti fuerint. l. pe. C. famil. Hercisc. vbi Diocletianus & Maximianus sic constituunt.

21 Et hoc amplius sanxere donationes factas in filios emancipatos rescindi quatenus inofficiose legitimam portionem aliorum liberorum extenuant inita æstimatione à tempore donationis. l. si totas. C. de inoffic. donat. aut verius in. l. si liqueat. eod. nam in. d. l. si totas. magis disceptatur de reuocatione, quæ fit ex mente donatoris propter liberos postea natos, quàm de querela inofficiosa donationis orta post mortem donatoris. quippè cùm Cæsares ibi alloquantur patrem met ipsum, quem pænitu it suæ largitionis vt. l. si vnquam. C. de reuoc. donat. vbi tamen reuocatio sequitur in solidum natis postmodum liberis quia alij quàm vni liberorum donatum extiterat, si verò horum vni donatum sit, aliorum mox nascentium fauore nõ fit reuocatio nisi pro ipsorum legitima parte, sicut cùm donatio inofficiosa rescinditur aduersus parentis votum, & contra filium donatarium, qui non vult succedere nec conferre instar filia bene dotata in. l. si. ff. de Coll. dot. excepto quòd dos profusa querelam æque patitur inofficiosa. l. 1. C. de inoffic. dotib. & hic est tenor legum prisclarum, quo obuiatur liberis patris liberalitate contentis. & successionem ac Collationem fastidientibus cum fratrum iniuria & iactura. Et quia leuant viatorum laborem quodammodo signata lapidibus stadia, diuersis temporibus distincta collatio habet perspicuitatem.

22 Idcirco subiungitur constitutio Iustiniani, quinto tempore in. l. illam de Collation. non pertinens ad nepotes & pronepotes inuicem conferentes, sed ad nepotes succedentes cum materteris & auunculis in eam partem, qua quidem successisset mater ipsorum, excepta parte tertia paulopost ad æqualitatem redacta auth. quæ tertia. C. eod. nec quoad hoc inter auum maternum & paternum discrimen vllum seruetur. idèd nepotes

sine dispendio speciali conferunt, & pariter Collationem à materteris & auunculis accipiunt: multo magis à patruis & amitis etiam iure veteri. l. i. §. sed si nepos. ff. de Collat. dot. Igitur recens ius cauit de successione aui materni vel aui paterni, quando pater sublatus est è medio: ipsi enim viuo nihil deperibat. l. si maritus. de Collati. C. quemadmodum. vbi moritur fœmina non distinguitur vtrum ex filio an ex filia supersint nepotes, vt quoque obseruauit Accursius per. §. si. de heredit. quæ ab intest. & vtique iure veteri iam pridem antiquato, sicut dictum est eodem Iustiniano authore, ne quid diminuatur nepotibus vel neptibus collaturis donatione propter nuptias atque dotem sibi datam vel suis parentibus.

23 Quia nimirum verissima est sententia, quæ vult superstitis liberis ex filia dotem ad auum, idest, filię patrem non reuerti, & ita intelligi. l. dos. C. solut. matr. aliàs patri reddetur dos in solatium orbitatis nullo remedio instaurandæ. maritus namque vxorem rursus nancisci poterit sæpe gratiorem, non filiam pater. sed susceptis ex ea nepotibus leuat dolorem, nec filia dulci prorsus caret. l. liberorum. §. si. de verbor. signi. proinde tetinet gener dotem pro liberis matrem amissam referentibus, aut ex pacto expresso: & alterutrum sufficit. l. si pater ff. de pact. dotalib. quamquam non negem ex abundanti pacisci licere, vt nomine liberorum gener dotem retineat dubitationis tollendæ causâ. l. inter. §. cum inter. ff. eod. sed iam extra planum tramitem, quo ire incepimus ventus vehementior æquo nos proiecit, vt nos alibi id quæstionis dotalis explicuimus.

24 Ad sextum itaque genus collationis venimus temperatæ à Iustiniano in. l. si. C. de Collation. prohibente aduentitia conferri. Itaque nemo conferet aduentitia post legem generalem instar castrensiū: quia nec patri acquiruntur quoad proprietatem. l. cum oportet. C. de bonis quę liber. vnde per rationem. d. l. si. quia vsusfructus aduentitiorum patri acquiritur, conferendus veniet, si fortè fructus filius retinuerit penes se quos lex patri addixit. nisi pater conuiuens fuerit filium eos consumere atque sibi liberè habere voluerit: tunc enim patris nō est vsusfructus. d. l. cum oportet. §. si autem. nec tam puto patris

esse meram liberalitatem fructuum quos nō percepit ex re filij quā humanitatem quandam, quæ facit vt fructus quoque iure aduentitio censeantur. adeo plus operatur pedetētim facta perceptio filij patiente patre quā repentina erogatio. l. 4. ff. de manumiss. argumēto alluionis. §. præterea. de rer. diuis. hoc vix scio animaduersum vel ab illis, qui oculati supra bubulum illum Iouis Argum creduntur. & cū iure dominij noua lex aduentitia filio permittat, fructus consequenter eidē faciliē largitur ex patris voto. si modo, vt dixi, non collecti. iā sint in patris horreo, sed legendi filio permittantur. l. de fructibus. ff. de donati. inter vir.

25 Experiamur vtrum emancipatus conferat aduentitia filio suo parentis communis, propriē enim non habet vllum peculium. l. si. C. de inofficiol. testa. sed magis est vt veritate inspecta in hoc quoque disquiramus vnde hauserit quæ possidet, à patre ne, an aliunde. l. vt liberis. C. de Coll. & an castrensia vel quasi, fuerint necne. l. cū oportet. §. cū autem. de bonis quæ liber. quocirca nonnulli existimant emancipatum non conferre aduentitia. quia si esset in patris potestate iure Iustiniani ea patri non acquireret. hæc ratio vetus est, atque iuri nouo confuta proficit in. l. si fratres. §. 2. ff. pro socio, vbi coita fuit societas cuiusuis posteræ acquisitionis, & ita stipendia militiæ cæteraque salaria communicantur ex vi pactionis, licet filius emancipatus fratri eadem conferre non cogatur, quia in potestate existens patri non acquireret. igitur quæ patri non acquiruntur, cuiusmodi sunt hodiē aduentitia, Collationi nō subiiciuntur. & sic ratio legis antiquæ porrigetur ad nouam. l. non est nouū. ff. de legib. quia lex noua comparat aduentitia castrensibus minimē conferendis. Quod si quis dicat. d. l. si. C. de Collat. referri ad d. l. cū oportet. vbi definitur duntaxat de filiis in potestate: addatque correctoriæ legis potentiam omni conatu cōrrendam, non me terreat: quia videam in. d. §. cū autem. de emancipatis eleganter disceptari: & valde iniquum esse, vt si extraneus eximium prædium emancipato donauerit, id fratribus contribuatur nihil simile in medium allaturis, & cum. d. l. si. aduentitia exæquet castrensibus: denique cū prohibens suū

conferre prohibeat exemplo emancipatum, qui nec iniuriam facere nec pati debet. l. vt liberis. C. eod. vbi aqua lance vtrinque perpenditur Collatio iuxta Pythagoræ præceptum staterā transgredi vetantis. Præterea magnum detrimentum pateretur emancipatus alia interpretatione arg. l. in lege. ff. de contrah. empt. cum nihil fere non habeat aduentitium, saltem partum laboribus aut prospera fortuna. §. igitur. per quas person. nob. acq.

26 Idem vtique recipi in filiosam. nō ambigo. d. l. cum oportet. nempè cum tolerante patre lucrum facit sibi filius, potius quidem quàm seruus domino conuiuente in suam arcam refectus. l. 4. ff. de manumissionib. quo Vlpiani testimonio mirificè recreor: modò filius aduētitiū ex re patris lucellum secernere sibi consueuerit, & suo nomine. l. idemque. §. si mandauero. ff. mandat. adeò pollet patris assidua patientia, sed perquam rara: nam emancipatus sibi lares habet, sibi negotiatur, & acquirit, industriæ fortunæque ope paupertatem fugiens. at filius in potestate raro seorsum à patre manet, vt secerni possit quid sibi fortunæ diligentixue beneficio pepererit. Quòd si etiam nū durum videatur vsumfructum aduentitiorum ad suum filium pertinentium patri acquiri, & ita per patrem emancipato filio communicari simul cum illis rebus, quas filius patri gnaviter quæsierit domi residens, & paternos penates colens. Consideremus inter fratres non omnia acerbè accipienda tanquam inter personas infensas, quinimò mutuam offensionem metuentes, repetito consimili viri & vxoris exemplo: hæc enim quiduis marito acquirit. l. quintus. ff. de donati. inter vir. non tamē si maritus mediocriter toleret. l. ex annuo. ff. eod. obumbrat enim patientiam amore non reprobo, sed frenum potius quàm calcar habere digno. l. si id quod. §. si quas. ff. de donat. inter vir. maximè circa fructus aliquo medio perceptos, vt paulo atē diximus per. l. de fructibus. ff. eod. Hæc omittamus, ea quæ per mediam personam capiuntur alio iure quàm directo censerī. l. scimus. §. repletionem. C. de inoffic. test. deinde societas fraternitati inest. l. verum. pro soci. ff. vbi quoque docemur socium socio non prorsus adstringi stricta ratione iuris. est verò cum e-

mancipato indulgentius agendum, qui à patre nō ita fouetur, alitūruc vt domesticus.

27 Præterquam quod emancipationi hoc tacitè accedit, vt filius dimidiam partem vsusfructus postea acquisite bonorum, si castrensia non fuerint, patri pendere teneatur. d. l. cūm oportet. §. cūm autem. C. de bonis quæ liber. nec est quare tali filio inuideatur, ne beneficium emācipationis in odium retorqueatur: & cūm plus prematur, exactè rem totam perpendentibus, quam is qui manet in potestate delicatior, & segnius quæstui inuigilans sub alis paternis, ita vt dimidia vsusfructus rerum emancipati filij longè superet totum alterius filij vsusfructum, si quicquid frequentius euenit contemplemur iuxta vulgare legis præscriptum: cūm emancipatus plura aduentitia vulgò possideat, quia plura acquirere possit: maximè illa quæ ipse à matre vel ab aliis relinquuntur sub conditione si emancipetur. l. si quis. §. legis. C. de inoffic. test.

28 Sed videtur etiam antiqua Diocletiani lege vetitum fuisse aduentitiorum Collationem sicut castrensium in. l. filia licet. C. de Collati. vbi dos profectitia confertur, & peculium quod neque castrense neque relictum docetur. namque relictū referre necesse est ad testamentum extranei: quippè cūm relictum singulare ex patris Codicillis non impediatur Collatione eius qui velit succedere. l. à patre. C. eod. ex testamento autem patris non habuit locum vllius peculij Collatio. l. i. eod. Sed certe dico in. d. l. filia, tractari de singulari relictō peculij, non autem tractari de Collatione sed de diuisione iuxta. l. certum. fam. l. Hercisc. C. ergo innuit. lex peculium profectitium relictum non communicari fratribus cum quibus ab intestato succedit peculiaris filius: nempe dummodo illo contentus fuerit l. filiam cum. de Collati. vbi filia quæ vult patri succedere ab intestato, fratribus confert dotem vltra relictum in Codicillis quia & hoc ipsum conferet. quod si illi relictum non fuerit à patre, velit nolit, cogetur participes fratres facere iudicio familiaris Herciscundæ. l. pe. C. fam. l. Hercisc. quoniam non adeò hæret peculiū filio administratori, quin patris re vera maneat, nisi separetur pietate singulari cum bona patris fisco addicun-

tur ex debito. l. 3. §. sed vtrum in fi. ff. de minorib. & de his non nulla iam scripsi superiùs.

29 Septimum igitur postremumque Collationis tempus iam contemplemur, circa quod Iustinianus illi harmoniz, cui studuisse ipsum prædixeram, summam manum imposuit instar Terpandri illius musici non paruam gloriam sibi Lesbiiisque suis naçti, quòd lyra septimam chordam addidisset. sancitum namque fuit ab illo Cæsare non minus ex testamento quàm ab intestato conferendum fore auct. ex testamento. C. de Collat. cùm antea nefas videretur vocatum ex paterno iudicio subiici Collationi: cùm iure extranei saltem non conferentis. videretur succedere. sed quia æquo æquius iuuenitur. l. si seruus communis. §. quòd vero. ff. de furt. cõsentaneum magis æquitati visum est ex testamento quoque conferri, propterea quod obliuio testantes potest obrepere in media ægritudine, vel etiã factò quandoque testamento à bene valente: cùm hoc nisi morte confirmari nequeat. & mortis futura cogitatio acerba tunc maximè fit, quando viuere dulcius est. l. 8. §. at cùm. C. qui testam. facer. poss. §. illud de triët. & semis. col. 3. vt rectè dixerit Themistius apud Stobæum, metum mortis antiquissimum esse: aut potius omnes alios metus propter hunc ipsum timeri. etiam si prodeat fortis Æschylus *ὀδύνην*, inquit, *μόρος ἐὶ οὐ τῆς ἀντιέστανται* *ἰατρὸς*, idest, ô mors, tu sola malis incurabilibus mederis. sed illa magnifica faciliùs iactantur quàm persuadentur. ideòque succurrit lex antiqua testantibus, qui impunè in factò proprio errant, nempe terrore vel obliuione valde perculsi. l. si res oblig. ff. de legat. 1. alibi talis error inexcusabilis habetur. l. 3. ff. de iuris & fact. ignor.

30 Planè vel testamentum scriptum vel nuncupatiuũ, de quo in. §. fi. de testam. sufficiebat ad impediendam olim Collationẽ & quodecunque iudicium habes inuisam Codicillis institutionem. l. si emancipati. C. de Collation. fortè etiam ex testamento parum solemnem vim institutionis vsurpante antiquitas. l. fi. C. famil. Hercisc. nam eadem ratio liberorum ex sententia patris vocatorum pugnabat aduersus Collationem. l. hac consultis. §. ex imperfecto. C. de testam.

Ergo

31 Ergo vt in reliquis iuris ciuilibus partibus dominatur volú-
tas testantis circa Collationem iure quoque antiquo, ita vt
posset iniungi ex testamento Collatio. l. 7. C. de Collation. nō
aliter. ideoque Accursius in: l. 2. de Collat. dot. ff. arbitratur fi-
liam institutam conferre filio emancipato: quia fingit ibi hūc
præteritum, & ex huius persona filiam ex modico institutam
petiisse bonorum pōssess. contra tabulas & rupisse testamen-
tum, ac plus consecutam fratris beneficio, vt in: l. 3. ff. eod. de
qua re non solertiùs disquiro, postquam Iustiniano visum est
vno iūctū instar nodi Gordij, secare omnes tales controuersias:
& tam ex testamento quàm ab intestato conferri iubere: Sed
adeſt Vlpianus præſenti animo hoc laudis sibi vendicans in: l.
ſi non mortis. ff. de inoffic. test. vbi ſi donatum eſſet à patre fi-
lio hac lege, vt donatio ſimplex in quartam imputaretur, ceſſa-
bat querela inofficioſi ſi quartam æquaret donatio: aut ſi quid
de eſt boni viri arbitratu repletur, inquit, aut certè conferri o-
porteret id quod donatum eſt. ex his apparet extorqueri etiam
Iuſtiniano ſupplementum legitimæ mutilæ, quod ſibi aſcribit
in: l. omnimodo. C. eod. & poſſe excuſari maleficos ſcriptores
aliquos, quibus nihil tam placet quàm quod ab aliis autoribus
cæleſti munere inuenire conceſſum fuit. Quocirca à tam neſa-
rio auſu Iuſtinianum Accursius eximens, mauult vice verſa cō-
poſitores Pandectarum ex Codice Cæſareo tranſtulſiſſe, & id
ſupplementum addidiſſe Vlpiani reſponſo, quod Bartolus in-
ficiatur aſſerens illis incognitum fuiſſe ius pandectarum: atq;
ita in nouum errorem labitur.

32 Quid enim fuit notius iſſdem viris quàm quædam ſelectæ
conſtitutiones in Codicem Cæſareum redigendæ quas interim
delibare poſſent digeſtorum libris: ſed cū hac re facti ſit nō
iuris, nihil ſtatuo interim: oſtendo tamen boni viri arbitratu
faciendam Collationem Iuriſconſultis alibi præuiſam, ne
quis Vlpiano inuideat. l. 2. §. de illis. ff. de Collat. id mox æmu-
latus eſt imperator in: l. ſcimus. de inoffic. test. ſicut & alia ex
antiquioribus Auguſtis. l. ſi maritus. C. de inoffic. test. vbi hoc
Accursius bis notat. minusque ſequor alios Doctores, qui aiūnt
in: d. l. ſi non mortis. tractari de donatione inter viuos, & de

portione legitima ex duorum consensu data non de vnius testatoris voluntate. quòd licet verum sit, tamen non eximit Iustinianum arrogantiæ ob alienum inuentum sibi audacter ascriptum. maximè cum nihil intersit, an testamēto detur an inter viuos. l. Papinianus. §. si quis mortis. ff. eod. mentione facta legitimæ portionis scilicet, vt ibi & in. l. etiam. §. pe. de bonis libert. imò laudabilior esset inuētio vetus supplendi id quod consensu duorum taxatum fuerat super debito naturali legitimè, quàm quod à solo testatore: illic enim filio consentienti imputari magis debuit quàm eidem legatario. l. i. §. si parens. ff. si à parent. quis fuerit manu. firmitus enim est duorum vinculum in conuentione, & consentienti lentius iura opitulatur. l. quæritur. §. si venditor. ff. de zdil. edict. proinde nihil aliud excogitauit Iustinianus quod pertineret ad supplendam legitimam quàm firmitatem aliquam repletionis: quippè cum lex vetus disiunctiuè electionem proponeret filio, vt aut suppleri peteret id quod quartæ deesset boni viri arbitratu, aut conferret accepta. d. l. si non mortis atque ita fluctuabamur in dubio. expectantes verum filius pro certo optaret. verum præcise coëgit Cæsar petere suppleri in. l. scimus. C. de inofficiis. & d. l. omnimodo. vbi ipso iure fit repletio, & sic necessario ac rigidè, non vago arbitrio iudicis post inuentum inflexibile Iustiniiani vt in. §. i. de bonor. possessio. dixi suæ inuentionis esse exemplarem substitutionem furioso factam. §. qua ratione. de pupillar. subst. sed quam Iurisconsultus præsenferat. l. ex facto ff. de vulgar. subst. expoliuit eam vtique & amplificauit. atque ita Collationis molestiam vtrinque onerosam reiecit. non enim dubium est antea eligi solitam suppletionem vel Collationem, vt Vlpianus illic declarat: aut certè, inquit, conferri. cum sit vulgatum particulam certè, pro saltem capi. l. eumque ff. de pericul. rei vendi. l. lex Iulia. §. si. ff. ad legem Iul. repet. Ergo restat Iustinianum non præsensisse alterum quod sibi assumit punctum introducæ ex testamento Collationis, quale intercessit in. d. l. si non mortis. vbi de testamento inofficioso suspecto discepratur. sed asseretur Iustinianus dupliciter: prior modo, vt laudetur Collatione admissa recentè, tametsi to-

ta institutio testamentaria maneat. quondam autem non aliter conferebatur quàm si pro parte solummodo infringereetur, vt patefactum est ex. l. si filius. ff. de Collati. l. circa. ff. de inofficij. testam. Insuper magis puto in. d. l. si non mortis. non agi de Collatione faciunda per filium donatarium, qui ad hæreditatis partem ampliorem admitti cuperet æqualiter cum fratribus, sed tantum legitimam portionem repleri: & sic non æqualem partem ab intestato successionis sed quartam ipsius. d. l. Papinianus. §. si quis mortis. alioquin iciunè & impariter Vlpianus proposuisset suppleri quartam vel conferri: nam nemo Collatione dulcissimam nõ potius amplecteretur, si per eam triplo plus consequuturus prævideretur. Sed iam talis Collatio explosa est, & supplementi ratio tantum iniri debet.

33 Nec est quod desideremus titulum nobiliorem donatione inter viuos legitimæ filiorum applicandum, vt vulgus existimat, cui ego extorsi errorem in Dialogis cap. 35. & opinio mea robur accipit ex. §. aliud quoque in auth. vt cum de appel. cognosc. col. 8. vbi vno duntaxat casu titulus donationis vel legati non sufficit ad arcendum filium à querela vel à simili impugnatione testamenti paterni, cum est exheredatus adiecta causa ingratitude. nimirum quia nota ei inuritur impietatis, quæ aboleri nequit nisi sequente institutione exheredationi hostiliter inimica. igitur quando filius non dicitur exheres, sufficiet quilibet titulus relictæ ad filij legitimam, si modo expresse pater det filio pro legitima. d. l. si non mortis. & l. si quando. §. & generaliter. C. eod. alioquin conferetur, præteritus, quamuis relictum singulare acciperet aut aliud genus liberalitatis. quia non esset institutus vel exheredatus, sic ipso iure testamentum corrueret. l. inter. ff. de liber. & posth. idque iure veteri etiam, ne nouum tantopere posthac allegetur.

34 Nondum est perducta ad vmbilicum. d. auth. ex testamento. cum disquirendum etiamnum sit, an donatio simplex conferatur. vbi Accursius ait Ioannem & Placentinum admisse Collationem propter generalia verba Iustiniani aut Irnerij ibidem. & magis est vthi verum scopum tetigerint. quauis contrariæ sententiæ defensores expendant dictionem aliorum da-

torū, & repeti similes erogationes doti, id est, ob causam sentiant, non autem simplices: nec vident dictionem, alius, sæpè pro diuerso sumi tam affirmatiuè. l. i. ff. quod fals. tutor. quàm negatiue. l. tale. §. si. ff. de pact. vbi non habet alios filios, qui nullos habuit, quibus assimilari liceret masculis. præterea nõ de donatis rebus sed de datis, loquitur Inerius ibi: & nemo nescit datum dici quidlibet siue relictum siue aliter aptum transferendo dominio. vnde datum donatione dicit Cæsar in d. l. illud. §. si. de Collat. & datum dote vel donatione ante nuptias. l. vt liberis. cod. recurramus ergo seduli ad fontem. §. illud de triente & semiss. col. 3. & limpida veritatis aquam hauriemus, ac pellucidè videbimus donationem simplicem omnino conferendam. vtpotè cùm obliuionis ratio in ea militet: quæ perfecit vt ex testamento pariter atque ab intestato conferatur hodiè. quia, inquit, testator potuit esse oblitus datorum antea præ mortis tumultu. vt non inuenustè poetæ finxerint, mortuos gustantes fluvium Lethæum præteritorum immemores fieri. quæ ratio in donatione simplici magis quàm in dote vrget. difficilius enim pater collocatam nuptui filiam cum dote obliuiscetur quàm munificentis suæ largitionem sine vlla necessitatis ratione. Præterea Iustinianus mentionem facit dotis & rerum alio modo datarum: vbi dictio, alio modo necessariò diuersum significat rubr. C. si per vim vel alio modo. §. alio. quib. mod. test. infirm. ne posthac aliquis obstrepat ex verbo, alius. vt nõ abs re doctores putent donationem simplicem factam filio in potestate imputari in legitimam: at factā emancipato non aliter, nisi ea lege donatum sit aliquid, vt imputetur. l. si quando. §. si. C. de inofficios. test. quia pater, vt reor, facilius donauit suo filio, cùm donatum post liberè reuocare possit, quàm emancipato.

35 Sed fingamus id quod omnino non est, in. d. auth. nihil tãgi donationis inter viuos: & accusemus, si diis placet, Iustinianum desidi: an non iure antiquo donatum à patre filio in potestate conferebatur summa ratione, uel in diuisionem veniebat tanquam retro in bonis patris inuentum tempore mortis, sicut omnia eiusmodi quæ ante mortem communis parentis

fuisse creduntur, vel in bonis ipsius filij collaturi fratribus, licet educa à castrensi peculio. l. 1. §. si is qui. ff. de Collati. vtrouque igitur vertatur donatio simplex, vtrique conferetur. si quidem filius donatarius velit cum aliis succedere ab intestato prius ritu, sed nouo etiam, si testatus pater obierit. sed profecto penitus intuenti apparebit in patris fuisse bonis donatum filiofamil. in potestate manenti adeò vt non vsucapere pro donato possit ex ea donatione quæ nulla est, inquit Paulus. l. 1. §. 1. ff. pro donat. vbi Accursius asserit saltem incipere vsucapionem à morte patris, quasi tunc cõfirmetur donatio. Sed non puto hoc dici posse, si pater nõ alienam rem sed suam donauerit. quia cùm filius morte patris fiat dominus rei à patre donatæ, non eget vsucapione ad inchoandum nouum dominium. l. 3. ff. eod. l. in bello §. si quis seruũ. de captiuis & postlimin. nec nostrum nũc est inquirere de re aliena donata à patre, sed de propria, quam pater donat vna manu, & cõfestim altera recuperat vt cui à filio quiduis acquiritur. l. placet. ff. de acq. hæredi. & l. si quis pro eo. §. 1. ff. de fideiusso. Sed in eandem sententiam nobiscum vrgentiũs tendit Imperator in l. 2. C. de inoffic. donat. non enim dicit conferri donationem simplicem factam filio in potestate quin potius diuidi iudicio famulix herciscundæ cum reliquis fratribus, tanquam in patris bonis semper mansisset. Atqui in alio. d. l. 2. nobis refragatur, quia statuit donationem talem si immodica sit, non rescindi nisi quoad legitimam portionem cohæredis fratris. quod si nullus esset momenti donatio, æqualiter cum fratre diuideretur perinde ac si in bonis patris persistisset, vt videbimus postmodum per. l. si donatione. C. de Collatione.

36 Quid ergo dicendum de. d. l. 2. quæ adeò nutat in vtramlibet sententiam? Certè ibidem probatur donationem simplicem factam filio suo aliquod habere adminiculum, quo adiuuetur nempe mortem patris, cùm facta emancipato, qui patri nihil acquirit, illico valeat. nec cõminisci possumus aliud adminiculum quam mortem patris: si enim donatio facta suo accipit vires à secuta emancipatione. l. donationes. §. pater. ff. de donationib. quare non accipiet à morte, per quam pro certò.

eximitur à sacris paternis filius irrevocabiliter. nec quisquam adoptionem futuram apud tribunal Minois vel Æaci sperat, post emancipationem sperare potest. Ergo dicendum est, ibi filium in potestate non conferre donationem: quia cum vberissima esset, & exposita querelæ sicut illic habetur, propter immensitatem filius respuebat patris ab intestato successionem, & se abunde rebus donatis cõtentum dicebat: idem nõ subiici Collationi sicut, nec legatum aut fideicommissum singulare confert, si nolit succedere. l. pe. C. famil. Hercisc. & abunde lucratur filius, quod sibi si velit, donata potest servare repudiata successionem. l. si filia. ff. de Coll. dot. proinde donatio immensa usque ad legitimam alterius filij portionem tantum rescinditur & hoc ipsum declaratur per arbitrum familiæ herciscundæ præstitutum, tamen si nolit succedere is qui potest. l. filiam. 2. C. de Collationib.

37 Nec video, nisi lippo sim iudicio breuitatis amore aliud dici in. d. l. si donatione. eod. nam & donationem morte patris quæsitam ibi traditur, ergo confirmatam: subiungitur etiam conferri ab ea filiafa, quæ cum sorore patri auebat succedere. quoniam talis donatio non post mortem patris acquiritur ut non conferatur, sicut in. l. nec emancipati. eod. sed eo momento, quo exhalat pater animam, vim capit. & multum interest inter tempus mortis, & tempus post mortem. l. si quis. C. de institut. idem mortem vulgo horrendam nihil ad nos pertinere. verisimilius est, quæ cum adest, nos iam nõ sumus. & huic succurrit, quod Plato interstitium mortis & vitæ vocavit, τὸν μεταφωσ φύσιν idest, repentinam naturam, velut in confinio contrariorum, & tertium quiddam.

38 Accedit donationi, ne à fato patris acquisita censeatur, quod ex constitutione Iustiniani retroagitur ad tempus liberalitatis ante mortem, si non excedat quantitatem quingentorum aureorum. & idem insinuatione non egeat hodierno iure: quinimo valida nascatur. l. donationes. 1. C. de donati. inter vir. s. alix. de donati. inst. nec distingo vtrum tradita res donata fuerit, an non: sicuti inter coniuges audio distinguui in. l. Papinianus. ff. de donati. inter vir. quia cum filius quodammodo

sit dominus rerum patris eo viuo. l. in suis. ff. de liber. & posth.
 dici non potest quàm facile penetreris traditionis in eum si-
 ne nouo facto. iam enim tenet res paternas non sine voto pa-
 tris. l. nihil de bonis liber. quod abest à coniugio. l. 2. C. de acq.
 poss. vbi euidenter prodest in possessione aliqua rei transferen-
 de prehendi. tantùm obest filio, quia mox Euripi instar reflu-
 ad patrem id quod filius ab eo lucrifacit. l. si de eo. ff. eod. l. si
 quis pro. §. 1. de fideiussorib. pudet referre quæ fabulantur Do-
 ctiores circa. d. l. si donatione, de concessione in peculium ibi
 facta, aut ficta potius. nam iacto fundamento donationis mi-
 nimè conferendæ, necesse fuit cogi illos in eas angustias. sci-
 mus nos quidem verbum donationis adulterari pro subiecto
 tractatu. l. si vno. ff. locat. sed cùm nihil sit frequentius dona-
 tione patris in filios, quis, quæso, donandi verbum ad peculij
 concessionem poterit traducere potius in. d. l. si donatione quã
 alibi. nec est quod nitatur de l. quod fructuarius. ff. de acq. rer.
 domin. quia ibi donabat seruo dominus, vel potius pene do-
 minus fructuarius, ea mente ne proprietario quæreretur dona-
 tũ. idèò manebat in peculio serui multũ à filiofam. distantis,
 qui potest sibi habere aduentitium operis suis & industria,
 seruus autem non ita. §. 1. & 2. per quas person. nobis acq. Ca-
 terum sit, vt volunt, donationem filix, de qua nominatim tra-
 ctatur in. d. l. si donatione. sapere naturam peculij quandiu pa-
 ter viuit: sic profecto in quauis donatione fateatur necesse est,
 & tamen cõfirmari simul atque filia exhibit patris potestatem,
 quemadmodum perspicuè liquet ex. d. l. donationes. §. pater.
 ff. de donati. pater, inquit, filix quam habebat in potestate mā-
 cipia donauit, & emancipatæ peculium non ademit, ex postfa-
 cto donationem videtur perfecisse. ecce quomodo mancipia
 donata filix peculium eiusdem appellauit: nec enim licet diui-
 nare in filia aliud genus peculij. nec inuideamus peculij nomē
 tali donationi, per quam pater vt peculium separat donatum à
 suo patrimonio, quoad reuocet. tamen quia donationis verbo
 nobilitatum est, filix præcipuum manet, si modo contenta eo
 fuerit, nec velit cum fratribus succedere: alioquin peculij me-
 ram naturam redolet, idest, æqualiter diuiditur, cùm & puellæ

quadret peculij administratio. l. si filiafamil. ff. de iure dot. iuxta. d. l. certum. famil. Hercisc. C. sunt hæc quæ dico abdita in recessu iuris Ciuilib, sicut illud è diuerso, quod peculium imbutur donationis potestate, idcirco addictis fisco bonis patris ob æs alienum, incolume seruatur filio suum peculium. l. 3. §. sed vtrum. ff. de minorib. & exheredato quoque filio seruabitur, si exterus sit hæres institutus. l. frater. §. pe. de condi&ct. indeb. quid multa? in tantum est peculij significatio flexibilis, vt filia id habere dicatur in rebus à matre donatis, sine dubio valente donatione protinus. quid rides ô Lector, Papinianuste id docet in. d. l. donationes. §. species. de donati.

39 Verùm apertè impugnatur non tumultuaria prædonum manu, sed à duobus Imp. Diocletiano & Maximiano in. l. filia. C. famil. Hercisc. filia cuius nomine, inquit ipsi, pater res comparauit, si non postea contrarium eius iudicium probetur, per arbitrum diuidendæ hæreditatis præcipuas adiudicari sæpe rescriptum est. si ergo præcipuas sunt res emptæ filia nomine, iam non conferuntur ab intestato, sicut nec olim ex testamento res doti filia dedicatas lex conferri permisit, sed præcipuas ei deuouet. l. Pomponius. 1. ff. eod. ergo quod præcipuum est, non communicatur. l. cum pater. §. pater pluribus. ff. de legat. 2. Sed ego vereor ne parum rectè Doctores præcipuas res earumque significationem acceperint. non enim Augusti senserunt filia eas deberi vltra æqualem partem hæreditatis, sed magis ita, vt fratres tantumdem pecuniæ numeratæ acciperent, vt expressè præcipui nomen explicat Iustinianus in. l. si. C. comu. vtriusque indic. præcipuum itaque pro eximio capitur, non pro assignato singulariter. præ cæteris. l. scire. ff. ad municipal. opitulatur valdè. l. ex facto. 2. vers. ita igitur de hæredib. instit. ff. & ibi Vlpianus pari diuisionis æquitate nititur. & satis alioquin indicat. d. l. filia. in eodem iudicio familiaris herciscundæ adiudicationem memorans faciendam, videlicet rei alicuius vni hæredum addictæ, cum alteri par quantitas rependatur. §. si familiaris. de offic. iudic. Et quo ampliùs elucescat rei æquitas, dicitur in. d. l. filia. fundum fuisse nomine filia comparatum, vnde vim in eo faciunt aliqui, quod etiam traditus

traditus donationem perfecerit non concessionem peculij. sed hanc vim ipse malo vocare violentiam: emptio namque talis non infert donationem, vt apertè docemur, nisi apta castrensi fortunæ, quæ emuntur nomine filij positi in patris potestate, fuerint. l. i. de castrensi. pecul. l. si. ff. de pecul. legat. quia nouit lex patrem vel maritum sæpè filij vel vxoris nomen interponere, sed re vera sibi ipsis emere, alienæ personæ perituræ subiecto nomine. l. si filij. C. de donation. inter vir. igitur emptæ filij peculio ascribuntur maximè prædia & res aliæ immobilis. vnde cum iidem duo Augusti statuissent peculium vnus filii diuidendum inter fratres æqualiter. d. l. certum. C. famil. Hercisc. paulopost modum cōsiderarunt mitigandi acerbitatem & iniuriam, quæ quodammodo fit filio tractanti peculiu: si ex laboris assidui molestia nihil colligit fruct⁹ præcipui. cū verisimiliter res à se diu excultas diligit, & diuidi inter fratres doleat præsertim cū nec lex antiqua peculij gubernatorem filium absque præmio reliquerit, vt ostendimus ex. l. frater. §. pe. de cōdict. indeb. quamobrem sanxerunt Imperatores ab arbitro familix sic diuisionem fieri decere, vt filius filiaue peculium habens res in eo antea constitutas ita retinere præcipuas valeat, vt pecuniæ vel aliarum rerum parem quantitatem aut æstimationem aliis fratribus ascribat, & per omnia sequatur patris voluntatem, qui filio filiaue peculiari rei administrationem delegarat. l. si cogitatione. C. famil. hercisc. quæ lex eorumdem Cæsarum est. euidentius hoc patet in. l. filium quæ. eod. tit. vbi laborant omnes interpretes attoniti, cū videant filium habentem fundum rogatum de parte sua hæreditaria restituenda fratribus & exteris, in eo fundo trebellianicæ quartæ ius totum percipere. non certè alia ratione quàm vt, repulsa iniuria, filij peculiati studiosius prædia colât, quæ saltem præcipua fore sibi præsentiant, modò æquabilis æstimatio coheredibus assignetur. Et illius. l. filium. meminisse non piget interim donec otium sit copiosius explicandi: ne aliqui ex nostris flosculis mel fingant, & sibi vendicent.

40 Iam, opinor, nemini dubium erit, quin donatio inter viuos, conferatur iure quoque antiquo repetito. addunt aliqui

tempore, quo penatibus paternis dimittebatur, & colore quodam subsidij naturalis facultates aliquas accipiebant, quibus se fouerent, & negotiationem auspicerentur, vt suo loco diximus, instar donationis causam comitem habentis, naturæ instinctu & more approbatæ.

42. Sanè si liberet os sublinere credulis lectoribus circa. d. l. illud. in si. possem comminisci, quæri ibidem de donatione inter viuos à patre facta ob merita filij: quia meminit expressim filij, qui donationem meruit. sed nolo imponere: cū Iustinianus paulo ante locutus esset de eo qui militiam meruit, idest, accepit à patre sine prætextu meritorum vt in. l. amicissimos. ff. de excus. tut. Insuper ego ægrè sequor Accursium, qui in. l. si donatione. eximit filium à Collatione donatorum ob bene merita: quia fortè patrem ab hostibus eripuit, vt Æneas pius idèò habitus, vel à latrunculis. quod genus donati ob causam in mercedem eximij laboris ascripsit Paul⁹ in. l. si pater. §. si. de donati. & irreuocabile dicit: nec si ingrat⁹ donatarius extiterit postea ei extorquebitur ex. l. si. C. de reuoc. donati: quia antè is qui accepit pensauit talem donationem obiens periculum pro donante. quod vix admittam in filio, etiam si prodeat. Simonis Attici ducis filia, quæ patrè carcere inclusum lacte suo furtim aluit vberibus eum admouens instar infantis. nemo enim pro merito parentibus, à quibus nullo antea obsequio prouocatis velut per manus vitam accepit, vices potest rependere, tantùm abest vt miro nouoque ipsos officio prouocare queat. nec est affectus ullus, qui paternum equare possit, cū plus se ipso diligat filium. l. isti. §. si. ff. de eo quod met. caus. l. si. C. de curat. furios. quamobrem si filius de patre admodum bene mereatur existimet se paria utcumque cum illo facere, nō remuneratio- ne dignum esse, cū pietatem parenti debuerit. l. pe. ff. de obsequi. à liber. quinetiā si pater testetur se donare filio propter bene merita, non faciet id quod donat aduentitium: cum suis beneficiis antea æquauerit filij insignem quamlibet pietatem: vnde vox patris nihil immutabit. l. si fortè. ff. de castrens. pe- cul. sic cū præceptor discipulus gratitudinem exercet, tantū responderet beneficio doctrinæ. at multo magis patri à quo præ-

ceptores impendio sumit: vtrunque probatur in l. Attilius. ff. de donati. accedit illud Thaletis apud Laërtium: quæcunque, inquit, stipendia parentibus intuleris eadem ipse à liberis expecta, idcirco liberalis & officiosus erga parètes spe bona fouetur, & mercedis expers nequaquam manet: an non impius illico deprehenderetur filius, si diceret se tanquam erga extraneum in patrem affectum fuisse: quod non præsumitur, nec vice versa. l. tutor petitus. §. 1. de excus. tutor. certe velut patri bene & pie consuluit, laudem relaturus pro præmio officij sui non quæstum. l. diuus. 1. ff. de custod. reor.

43 Sed iam nimium immoror circa. d. l. illud, cuique perspicuam, & nihil non conferri iubentem quod in legitimam imputetur: cum è diuerso pleraque conferantur, quæ in legitimam non cedat, qualem donationem filio suo factam depinximus, de qua non expresse actum fuit ut pro legitima caperetur. d. l. si quando. §. si. C. de inofficios. test. l. si non mortis. ff. cod. alias enim legitimæ accepto non ferebatur, licet emancipato facta, ratione tradita in. l. si verò. §. pe. de bonis libert. sed illa adiectio pro legitima sapiebat causam mortis. l. etiam. §. pe. ff. cod. Item olim dos aduentitia filia Collationi exposita non hodie l. si. C. de Collati. Adiciunt alij vulgò donationem factam emancipato, dum exit patris potestatem. l. ut liberis. C. cod. Idem dici potest, ut reor, de actione furti quam habet contra alium, & eandem confert. l. 2. §. emancipatus. ff. cod. At in portionem legitimam numerari tale ius non paterer, nec aliud prorsus statuerem in peculio castrensi filij sui: proprium namque securum est & Collationis expers. l. 1. §. si is qui. ff. cod.

44 Quisque verò cogi ad Collationem poterit officio iudicis. l. si soror. C. de Collat. Vel denegatis actionibus hæreditariis. l. posthumo. cum. l. seq. cod. nisi quis dicat in hoc versari officium iudicis, ut nolenti conferre deneget actiones aperte indignas. l. 2. in si. C. ut nemo priuat. titul. & hæc est pœna proteruitatis, & hominis nolentis licita admittere. l. si debitor. de soluti. ff. quia dolo petat à fratre partem hæreditatis paternæ, qui ipse præstare recuset id quod in eam partem imputandum veniat, vel deducere, quasi partim petat id quod iam possidet

non inquietatus. l. 1. C. de re iudic. maximè cum nonnunquã plus cõterre debeat quàm sit accepturus ex successione. l. 2. §. si tres. ff. de Collati. Quid si addamus iudicium familiæ herciscundæ, in quo vterque agit & defendit inuicem, non abhorre-
re à Collatione. l. 1. de Collat. dor. quia tametsi conferre pro-
priè dicantur sua bona liberi, & paterna diuidere l. xij. C. de
Collation. tamen vt diuisio æqualiter contingat inter fratres,
is qui alteri facturus videretur iniuriam, si quod tenet sibi ha-
beret præcipuum, ab arbitro familiæ herciscundæ ad Collatio-
nem adigitur. l. filiam. 2. C. cod. aut eximitur si rei natura exi-
gat. his affatim expleuimus animum superiùs in impediis stu-
diorum ac similibus. l. quæ pater. 2. ff. famil. hercisc. l. si vni. §.
Neratius. cod. imò de illis nimia scripsimus, postquam multi
iudices nullis fraudes capitales necti libentiùs patiuntur, quã
iis qui legitimis studiis propagandis operam omnem innoxia
collocarunt, & ille scit, qui hæc scripsit.

FINIS.

INDEX LEGVM, QVÆ IN VTRA- que tractatus Collationum parte, nouo intellectu donantur.

Ex digesto veteri.

<i>l. qui in vtero de statu homin. parte priore,</i>	numero. 15.
<i>l. si non mortis. de inoffic. testam.</i>	2. 31. seq.
<i>l. si vni. §. Neratius. famil. hercisc.</i>	2. 13.
<i>l. que pater ij. famil. hercisc.</i>	2. 4.
<i>l. sed Iulianus. §. proinde ad Macedonian.</i>	2. 4. & 5.

Ex Infortiato.

<i>l. bello. de excusator.</i>	parte. 2. 3.
<i>l. legatis. §. ornatricibus. de legat. ij.</i>	2. 10.
<i>l. filium. §. videamus. de bonor. poss. contr. 1.</i>	18. & parte 2. 15.
<i>Rubrica. de Collati. bonor.</i>	1. 6.
<i>l. 1. §. 1. de Collat. bonor.</i>	1. 12.
<i>l. 1. §. si ex dodrante. de Coll. bon.</i>	1. 5.
<i>l. 1. §. nec castrense. de Coll. bon.</i>	2. 13.
<i>l. si filius. de Coll. bon.</i>	2. 14.
<i>l. pen. de Coll. bon.</i>	1. 7.
<i>l. si. de Collati. bon.</i>	1. 15.
<i>l. 1. de Collat. dot.</i>	1. 8.
<i>l. 1. §. filiam. de Coll. dot.</i>	1. 8.
<i>l. pater filiam. de Coll. dot.</i>	2. 14.
<i>l. 1. §. pen. de coniung. cum emancip.</i>	1. 20.
<i>l. 2. vnde legit. in princ. & §. si.</i>	1. 14.
<i>l. 1. §. largius. de success. edict.</i>	1. 14.

Ex Codice Iustiniani.

<i>l. omnimodo. de inoffic. testam.</i>	parte. 2. 31. seq.
<i>l. omnimodo. §. imputari. de inoffic. test.</i>	2. 12.
<i>l. 2. de inoffic. donat.</i>	2. 36.
<i>l. filia cuius famil. hercisc.</i>	2. 39.
<i>l. filium quem famil. hercisc.</i>	2. 39.